

摘藻堂四庫全書薈要

子部

欽定四庫全書薈要卷一萬一千六百七十

子部

御定淵鑑類函卷二百二十二

武功部十七

不撫士
乞師

縱敵
增質子

勞人
救援

將交惡
退敵

敗將
善敗

不撫士一

增唐書哥舒翰傳曰翰為人嚴少恩軍行未嘗恤士飢寒有陷民樵者痛笞辱之監軍李大宜在軍中不治事與將士樗蒲飲酒彈碁侯琵琶為樂而士米粒不饜帝

令中人袁思藝勞師士皆訴衣服穿空帝即斥御服餘者制袍十萬以賜其軍翰藏庫中及敗封鎬如故 五代史曰范延光反遣牙將孫銳掠滑衛銳輕脫無謀兵行以娼女十餘自隨張蓋操扇酣歌飲食自若軍士苦大熱皆不為用 又曰蔡王信所至黷貨好行殺戮軍士有犯法者信召其妻子對之剗剔支解使自食其肉血流盈前信命樂飲酒自如

不撫士二

增睨酒

乞襦

左傳吳申叔儀乞糧于公孫有山氏云佩玉紫兮余無所繫之旨酒一盛兮予

與褐之父睨之注紫然服飾備也睨邪視也言已與被褐之人同得視之不得飲言吳王夫差不恤士也

宣帝仲達兵士寒凍乞襦帝不與或曰王府故襦可以賜之帝曰襦者官物人臣無得私施

躡鞠

芻豢

漢嫖姚將軍霍去病少貴不省士其從軍上遣大官齎數十乘而士有飢色其在塞外卒乏糧

不能自振去病尚穿地躡鞠注穿地作鞠室鞠以皮為之實以毛毳躡而戲

將軍芻豢黍稷戰敗母閉門不納

鶴有祿位

將不省兵

傳衛懿公好鶴鶴有

乘軒者將戰國人授甲皆曰使鶴鶴實有祿位予焉能戰

未嘗撫衆

不

恤小人

晉謝萬受任北征常以嘯詠自高未嘗撫衆兄安謂曰諸將宜數接對以悅其心乃集諸將以

如意指四座云諸將皆勁卒也將益恨之蜀志關羽善待卒而騎士大夫張飛愛敬君子而不恤小人

不撫士三

增損糧以漁利

唐書長平王叔良傳武德初鎮涇州捍薛仁果仁果內史令翟長孫以衆降於

是大饑米斗十錢叔良不恤士損糧以漁利下皆怨

倡優蒲塞相娛樂

又高適傳曰天

子西幸適走問道及帝于河池因言哥舒翰忠義有素而病奪其明監軍諸將以倡優蒲塞相娛樂渾隲武士

飯糲米日不厭而責死戰其敗固宜

高鹽直賤帛估

又陸長源傳曰董晉卒長源總留後

事大言曰將士久慢吾且以法治之衆始懼軍中請出

帛帛為軍制服不許固請止給其直孟叔度希望又償

直以鹽乃高鹽直賤帛估人得鹽二斤舉軍大怒或勸

長源曰故事有大變則厚賜于軍軍乃安長源曰異時

河北賊以錢買戍卒取旌節吾不忍為衆怒益甚長源性剛不適變又不為備纔八日軍亂殺長源及叔度等食其肉

刮地以去

又程日華傳曰日華為張孝忠牙將

宗以滄畀彊武前刺史李固烈與惟岳姻屬即牢守孝忠令日華往喻之固烈請還恒州既治裝志帑以行軍

中怒曰馬瘠士飢死刺史不棄毫髮恤吾急今刮地以去吾等何望遂共殺固烈屠其家共逼日華領州

給故繒陳綵

又皇甫鏐傳曰帝斥內帑所餘詔度支評直鑄貴售之以給邊兵故繒陳綵觸手輒

壞士怨怒聚焚之裴度以其事聞鏐指所著韓曰此內庫所出牢韌可服彼言不可用詐也帝信之

詬

責士皆曰反虜

又張弘靖傳曰弘靖為盧龍節度其詬責士皆曰反虜嘗曰天下無事而輩挽

兩石弓不如識一丁字軍中以氣自任銜之

不撫士四

增疏唐辛替否疏曰當今發一卒以禦邊陲追一兵以衛社稷多無衣食皆帶飢寒賞賜之間迴無所出軍旅驟敗莫不由斯

縱敵一

增三國典略曰侯景晝息夜行追軍漸逼使謂慕容紹宗曰景若被擒公復何所用紹宗乃緩之 晉書載記曰王陵遣督護王昌等率疾陸眷及弟文為從弟末杯

攻石勒於襄國勒敗還壘末杯入壘門為勒獲勒質末
杯遣使求之於疾陸眷文為諫曰受命討勒寧以末杯
一人故縱成擒之寇必不可許疾陸眷不聽唐書李
軌傳曰薛舉遣兵來侵軌遣將敗之悉虜其衆軌縱還
之李贇曰今力戰而俘又縱以資敵不如盡坑之又
薛仁貴傳曰仁貴坐事貶象州會赦還帝思其功乃召
見曰疇歲萬年宮微卿我且為魚前日殄九姓破高麗
爾功居多人有言向在烏海城下縱虜不擊以至失利

此朕所恨而疑也今遼西不寧瓜州路絕卿安得高枕
不為朕指麾耶 遼史曰余覲率千餘騎叛入金天祚
遣知奚王府事蕭遐買北府宰相蕭德恭等將所部兵
追之及諸閭山縣諸將議曰主上信蕭奉先言奉先視
吾輩蔑如也余覲乃宗室豪俊常不肯為奉先下若擒
余覲他日吾黨皆余覲也不若縱之還即給曰追襲不
及

縱敵二

原長寇

狎敵

傳墮軍實而長寇
讐下見穀梁

一縱

七縱

一縱敵

數世之患
諸葛孔明事

下

玩寇

勞師

不縱

不武

不擊何

俟

有敵而不縱不可謂武
趙穿曰襄
糧坐甲固敵是求敵至不擊將何俟

脩德其避

聞彊而退

秦伯修德晉其避之
以出聞彊敵而退非夫也
成師

敵不可縱

寇不可玩

縱敵
患生

聊固吾圉

罔敵我師

軍既失謀

寇將得計

縱敵三

增時不重得

唐書康承訓傳曰賊屢勦欲來勝攻承訓
或言蠶月宜息衆力衆勦久舉直曰時不

重得願將軍無縱敵時承訓方攻臨渙間勛計追還兵
伏以待勛軍皆市人驚而狂未陣即奔相蹈藉死者四
萬

留賊為富貴作地

又劉巨容傳曰巨容遷山南東

奔巨容追之率十俘八以功遷禮部尚書諸將欲乘勝
追斬巢巨容止曰朝家多負人有危難不愛惜官賞事
平即忘之不如留賊為富貴
作地諸將謂然故巢復熾

勞人一

增唐書哥舒曜傳曰李希烈退保許州詔城襄城曜以
疲人版築不如按甲持重以挫之帝不許 又李光弼

傳曰史思明蔡希德攻光弼眾議培城以守光弼曰城

環四十里賊至治之徒疲吾人 通鑑元紀曰劉深征
八百媳婦取道順元遠冒煙瘴未戰士卒死者已什七
八驅民轉餉溪谷之間一夫負粟八斗率數人佐之數
十日乃達死者亦數十萬人中外騷然

勞人二

原苟人罷而不恤 則魚爛而可憂 苟無城惡之虞
盍念民罷之戒 警備結完國雖無患 役能罷弊
人則不堪 恃陋無虞楚雖克莒 亟城不取秦亦敗

梁苟失其防城郢必聞吳入

入楚也

不得其備溝宮

豈免梁亡 雖安必思危備欲倖於天險 而民不堪

命患亦生於土崩

勞人三

增市物繼屬於廛遞子背望於道

唐書魏徵傳曰徵上疏云比者疲于徭役

關中之人勞敝尤甚雜匠當下顧而不遣正兵番上復別驅任市物繼屬於廛遞子背望于道

右戌

四鎮左屯安東

又狄仁傑傳曰時發兵戍疏勒四鎮百姓怨苦仁傑諫曰臣伏見國家師旅歲

出調度之費徂以寔廣右戍四鎮左屯安東杼軸空匱轉輸不絕行役既久怨曠者多

勞人四

增疏唐狄仁傑諫征伐疏曰漢元納賈捐之謀而罷朱崖郡宣帝用魏相之策而棄車師田宣不欲慕尚虛名蓋憚勞人力也

增詔唐李贊皇一品集賜王元達洪敬詔曰由此孽童致茲暴露然獫狁孔亟周宣興六月之師淮夷未寧公旦有三年之役事非獲已諒匪勞人

將交惡一

增唐書馬燧傳曰初燧與李抱真不協李晟和之乃復
與抱真善及田昂降燧請以洺州隸抱真而用昭義副
使盧元卿為刺史兼魏博招討副使李晟兵前獨隸抱
真亦請兼隸于燧以示協一然議者咎燧私忿交惡卒
不成大功 五代史曰李唐賓與朱珍威名略等而驍
勇過之珍常私迎其家置軍中太祖疑珍有異志遣唐
賓伺察之珍與唐賓不協唐賓不忿夜走還宣武珍單
騎追之交訴太祖兩惜其材為和解之 又曰末帝以

賀瓌為招討使與謝彥章等屯於行臺晉軍迫瓌十里而柵相持百餘日瓌與彥章有隙伏甲殺之莊宗喜曰將帥不和梁亡無日矣 八編類纂曰王彥章疾趙張亂政及為招討使謂所親曰待我成功還當盡誅奸臣以謝天下趙張聞之私相謂曰我輩寧死於沙陀不可為彥章所殺相與協力傾之段凝素疾彥章之能而諂附趙張在軍中與彥章動相違戾百方沮撓之惟恐其有功潛伺彥章過失以聞於梁主每捷奏至趙張悉歸

功於凝由是彥章功竟無成

將交惡二

原廉藺

冠賈

史記廉頗曰藺相如徒以口舌為勞我羞為之下見必辱之相如聞之不與爭

望則引車避曰兩虎鬪勢不俱生吾先國家之急後私讐頗聞之內袒負荆謝罪史遷曰智勇兼之矣後漢

寇恂在潁川賈復部將犯法恂斬之復怒欲手刃恂恂每避後于帝坐相遇曰天下未定兩虎安得私鬪今日

朕為解之

不以私憾

何以私怒

魏張遼屯合肥孫權圖之李典曰不

遂交歡

可以私憾忘義率衆與遼破權

吳甘寧廚下兒有過

走投呂蒙家恐殺之不即還後寧齋酒禮與蒙母蒙與

升堂乃出廚下兒寧許不殺斯須還船縛于桑樹自挽

弓射殺之畢勅船人增燈解衣卧蒙大怒擊鼓會兵欲

攻寧蒙母徒跣曰至尊待汝如骨肉何以私怒甘寧蒙聞母言即自至寧船笑曰老母待卿食寧噓噓曰負卿即與蒙俱見母歡宴永日

休欲罪達

落常疑渾

魏志帝欲假賈達節曹休曰達

性剛侮易諸將不可以為督魏略曰休怨達遂呵使勅豫州拾棄仗達曰為國作豫州不為拾棄仗與休更相表魏書云休欲罪達達絕無言晉王濬等伐吳濬不受渾節度濬先平吳後論功先後因不平渾子濟亦數毀濬濬常疑渾渾詣濬濬陳武備然後相見其相疑如此

二卿相惡

兩虎私鬪

左傳卻至曰楚有六問其二卿相惡二卿子重子反也此六問之一

詳上

增詔書諭解

賜酒諭釋

唐書郭虔瓘傳曰虔瓘與安撫宣慰十姓可汗阿史那獻數持異交訴諸朝詔書諭

解曰朕聞師克在和不在衆以虔瓘獻宿將當捨嫌室隙戮力國家宋史高宗紀曰紹興五年劉光世韓世

忠張俊入辭命升殿以光世世忠
有隙賜酒諭釋之皆感激奉詔

將交惡三

增且願兩虎勿復私鬪

南史韋叡傳曰胡景畧與前軍趙祖悅同軍交惡志相陷害景

畧一怒自啗其齒齒皆流血畧曰且願兩虎勿復私鬪

睇曰

相視不交一言

八編類纂曰安思順為朔方節度使子儀與李光弼俱為牙門都將二人不相

能雖同盤飲食常睇目相視不交一言

將交惡四

增奏議唐陸贄奏議李建徽陽惠元兵馬狀曰四軍按

壘群帥異心論勢力則懸絕高卑據職名則不相統屬
懷光輕晟等兵微位下而忿其制不從心晟等疑懷光
養寇蓄奸而忿其事多凌已端居則互防飛謗欲戰則
遞怒分功齟齬不和嫌釁遂起

乞師一

增春秋提要曰乞者卑遜自屈之辭又曰乞不保得之
辭穀梁曰師出不必反戰不必勝故言乞也

乞師二

增左傳曰僖公二十六年東門襄仲臧文仲如楚乞師

又曰成公十三年晉侯使卻錡來乞師將事不敬孟

獻子曰卻氏其亡乎禮身之幹也敬身之基也且先君

之嗣卿也受命以求師將社稷是衛而惰棄君命也不

亡何為 又曰成公十六年卻犇如衛遂如齊皆乞師

焉欒黶來乞師孟獻子曰有勝矣

注卑讓有禮故知其將勝楚

又

曰成公十七年晉侯使荀瑩來乞師 又曰成公十八

年晉侯使士魴來乞師 又曰襄公二十四年齊侯將

欲見楚子楚子使蘧啟疆如齊聘且請期秋齊侯聞將有晉師使陳無宇從蘧啟疆如楚辭且乞師 又曰哀

公二十四年晉侯將伐齊使來乞師曰昔臧文仲以楚師伐齊取穀宣叔以晉師伐齊取汶陽寡君欲徼福於周公願乞靈於臧氏 唐書顏真卿傳曰真卿加河北

招討採訪使安祿山反清河太守使郡人李粵來乞師粵曰聞公首奮裾唱大順河朔恃公為金城清河西鄰也有江淮租布備北軍號天下北庫計其積足以三平

原之有士卒足以二平原之衆公因而撫有以為腹心
他城運之如臂指耳真卿為出兵六千又辛謹傳曰
龐勛反攻杜慆於泗州謹曰事急矣獨出可以求援乃
與楊文播李行實戊夜踰淮坎岍登馳三十里至洪澤
見戍將郭厚本告急厚本許出兵大將袁公昇等曰賊
衆我寡不可往謹拔劔瞋目呼曰泗州陷在朝夕公等
被詔來乃逗留不進欲何為且失泗則淮南為寇塢公
詎能獨存耶吾今斷左臂殺君去推劔直前厚本持之

公昇僅免讜望泗慟哭帳下皆流涕厚本決許付兵五百讜曰足矣徧問士曰能行乎皆曰諾讜仆面於地泣以謝衆既叩淮有人語曰賊破城矣讜將斬之衆為請讜曰公等登舟吾赦其死士遽登已濟惛亦出兵表裏擊賊大敗讜入人心遂固圍三月救兵外敗城益危讜請復乞兵淮南與壯士徐珍十人持斧夜斬賊柵出見節度使令狐綯復詣浙西見杜審權圍凡十月乃解卒完一州初讜求救也過家十餘未嘗見妻子得糧累二

十萬 又王重榮傳曰重榮懼巢復振憂之與楊復光計復光曰我世與李克用共憂患其人忠不顧難死義如已若乞師焉事茂不濟乃遣使者約連和克用使陳景斯總兵自嵐石赴河中親帥師從之遂平巢

乞師三

原告急

恤難

晉伐鄭鄭子駟如秦乞師曰大國在敝邑之宇內是以告急

同恤社稷之難

乞旅

藉兵

傳楚子囊乞旅于秦漢陳餘從田橫藉兵注藉借也

出送

重辭

宋圍華氏華登如楚乞師華軀以車五十乘犯師而出送之穀梁曰公子遂如楚乞師重辭也師

出不必反戰
不必勝也

七日之哭

一宿之行

左傳吳入楚楚申包胥詣秦乞

師立依庭牆而哭日夜不絕音勺飲不入口七日而得兵史趙魏攻韓韓使陳筮如秦乞師曰事急矣公雖病為一宿之行見穰侯穰侯曰急乎筮曰未急穰侯怒曰冠蓋相望告敝邑言未急何筮曰急將變

乞師四

增使百輩往乃許

唐書劉仁恭傳曰仁恭為葛從周等所敗退壁瓦橋卑辭歸窮于克用求

救克用為侵邢洛天祐三年朱全忠自將攻滄州仁恭屯瓦橋全忠環滄築而溝之內外援絕人相食仁恭復

從克用乞師使

蠟丸乞師

通鑑唐紀曰昭義節度使孟方立以潞州地險人勁

屢篡主帥欲漸弱之乃遷治所于邢州大將家及富室皆徙山東潞人不悅監軍祁審誨因人心不安使武鄉

鎮使安居受潛以蠟丸乞師
于李克用請復軍府于潞州

乞師五

增詩唐耿漳代宋州將淮上乞師詩曰脣齒幸相依危
亡故遠歸身輕百戰出家在數重圍上將堅深壘殘兵
鬪落暉常聞鐵劒利早晚借餘威

質子一

增左傳曰明恕而行要之以禮雖無有質誰能間之
穀梁曰誥誓不及五帝詛盟不及三王交質子不及二

伯

質子二

增左傳曰定公三年蔡侯如晉以其子元與其大夫之
子為質焉而請伐楚 前漢書高帝紀曰審食其從太
公呂后間行反遇楚軍羽常置軍中以為質 又陳湯
傳曰湯上疏言康居侍子非王子也按驗實王子也湯
下獄當死谷永上疏訟湯功臣上出湯奪爵為士伍
後漢書明帝紀曰永平十七年西域諸國遣子入侍

唐書薛登傳曰時四夷質子多在京師如論欽陵阿史德元珍孫萬榮皆因入侍見中國法度及還并為邊害登諫曰臣聞戎夏不雜古所戒也故斥居塞外有時朝謁已事則歸三王之法也漢魏以來革龍衣冠築室京師不令歸國較其利害三王是而漢魏非拒邊長而質子短臣謂願克侍子可一切禁絕武后不納又南蠻傳曰高駢遣浮圖景仙攝使往南詔酋龍與其下迎謁且拜乃定盟而還遣清平官酋望趙宗政質子三十人

朝乞盟請為兄弟若舅甥 通鑑唐紀曰李罕之攻河
陽張全義嬰城自守城中食盡求救于朱全忠以妻子
為質 又曰錢鏐命顧全武告急於楊行密全武曰徒
往無益請得王子為質鏐命其子傳璟為全武僕與偕
之廣陵

質子三

增交質

兩屬

左傳曰王子狐為質于鄭鄭公子忽為質于周 漢書鄧善國傳曰樓蘭遣一

子質匈奴一子質漢後貳師軍擊大宛匈奴欲遮之貳師兵盛不敢當即遣騎因樓蘭候漢使後過者欲絕勿

通詔捕樓蘭王詣闕簿責王對曰小國在大國之間不
兩屬無以自安願徙國入居漢地上直其言遣歸國亦
因使候伺匈奴奴奴
自是不甚親信樓蘭
無益 不孝
左傳曰信不由中
質無益也 又齊

國佐對晉人曰蕭同叔子非他寡君之母也若以匹敵
則亦晉君之母也吾子布大命于諸侯而曰必質其母
以為信其若王命何
且是以不孝令也
說隗囂 諷師道
後漢隗囂傳
曰五年復遣

來歙說囂遣子入侍囂聞劉永彭寵皆已破滅乃遣長
子恂隨歙詣闕 唐書李師道傳曰蔡平又遣比部負

外郎張宿諷令割地質子宿請曰公今歸國為宗姓以
尊卑論之上叔父笑不屈一也以十二州事三百餘州

天子北面稱藩不屈二也以五十年傳爵臣二百年天
子不屈三也今反狀已暴上又許內省宜遣子入宿衛

割地以贖罪師道乃納
三州遣子弘方入侍
隗囂捐子 馬超背父
子恂

入侍後囂反光武誅之馬超據關中反家屬百口俱為曹操所殺

以子為質 以女

為質

唐書陸長源傳曰劉正臣攝平盧節度使遣使道海至平原與太守顏真卿相結真卿喜以子為質

而歸質糧焉又尉遲勝傳曰勝本王于闐國安祿山反勝使弟曜攝國事身率兵五千赴難國人固留勝勝

以少女為質而行肅宗嘉之拜特進兼殿中監

質子四

增必唾其面

史記趙世家曰秦伐趙趙求救于齊齊曰必以長安君為質兵乃出太后不肯大臣

強諫太后明謂左右曰復言長

寘兒虎口

通鑑唐紀曰田頌徵

安君為質者老婦必唾其面

犒軍錢二十萬緡于錢鏐且求鏐子為質將妻以女次子傳瓘請行吳夫人泣曰奈何寘兒虎口傳瓘曰紆國

家之難安敢愛身再拜而出

請更以他王為質

康王為質于金韓喇布召諸使者詰

責用兵違誓之故張邦昌恐懼涕泣康王不為動金人異之乃使王內來致責且請更以他王為質

救援一

增左傳曰隱公五年鄭人伐宋入其郛以報東門之役宋人使來告命公聞其入郛也將救之問於使者曰師何及對曰未及國公怒乃止辭使者曰君命寡人同恤社稷之難今問諸使者曰師未及國非寡人之所敢知也史記孫臏傳曰齊使者如梁臏以刑徒陰見說齊

使齊使竊載與之齊其後魏伐趙趙急請救於齊齊威
王欲將臄臄辭於是乃以田忌為將而孫子為師居輜
車中坐為計謀田忌欲引兵之趙孫子曰夫解雜亂紛
糾者不控捲

索隱曰捲即拳也

救鬪者不搏搢批亢擣虛形格

勢禁則自為解耳今梁趙相攻輕兵銳卒必竭於外老
弱罷於內君不若引兵疾走大梁據其街路衝其方虛
彼必釋趙而自救是我一舉解趙之圍而收弊於魏也
田忌從之魏果去邯鄲與齊戰於桂陵大破梁軍後

魏書傳永傳曰齊將陳伯之侵逼壽春汭淮為寇詔遣永為統軍領汝陰之兵三千人往援永總勒士卒水陸俱下而淮水口伯之防甚固永去二十餘里牽船上汝南岸以水牛挽之直南趨淮下船便渡適上岸賊軍亦及會時已夜永乃潛進曉達壽春城下彭城王勰令永引軍入城永曰執兵被甲固敵是求若如教旨便共殿下同被圍守豈是救援之意遂孤軍城外與勰并勢以擊伯之頻有克捷 又裴駿傳曰蓋吳作亂於關中汾

陰人薛永宗聚衆應之殘破諸縣來襲聞喜縣中先無
兵仗人情駭動縣令憂惶計無所出駿在家聞之便率
厲鄉豪曰在禮君父危臣子致命府君今為賊所逼是
吾等徇節之秋諸君可不勉乎諸豪皆奮激請行駿乃
簡騎驍勇數百人奔赴賊引兵退走刺史嘉之以狀表
聞唐書曰突厥圍煬帝雁門募兵赴援太宗時年十
六往應募謂將軍雲定興宜先後吾軍為數十里使其
晝見旌旗夜聞鉦鼓以為大至則可不擊而走之不然

知我虛實則勝敗未可知也從之突厥候騎見其軍來
不絕果馳告始畢可汗曰救兵大至矣遂引去又辛
謹傳曰謹學詩書重然諾走人所急居揚州慨然常有
濟時意龐勛反攻杜悛于泗州謹聞之拏舟趨泗口貫
賊柵以入悛素聞其名謹亦謂悛可共事乃請還與妻
子訣同悛生死時賊張甚衆皆南走獨謹北行謹至悛
喜曰圍急飛鳥不敢過君乃冒白刃入危城古人所不
能通鑑唐紀曰泗州援兵既絕糧且盡人食薄粥閏

月己亥辛謹言於杜愔請出求救於淮浙夜帥敢死士
十人執長柯斧乘小舟潛往斫賊水寨而出明旦賊乃
覺之以五舟遮其前以五千人夾岸追之賊舟重行遲
謹舟輕行疾力鬪三十餘里乃得免癸卯至揚州見令
狐絢甲辰至潤州見杜審權時泗州久無聲問或傳已
陷謹既至審權乃遣押牙趙翼將甲士二千人與淮南
共輸米五千斛鹽五百斛以救泗州又曰吐蕃圍鹽
州靈武牙將史奉敬言於朔方節度使杜叔良請兵三

千齋三十日糧深入吐蕃以解鹽州之圍叔良以二千
五百人與之奉敬行旬餘無聲問朔方人以為俱沒矣
無何奉敬自它道出吐蕃背吐蕃大驚潰去奉敬奮擊
大破之 五代史曰邢州孟遷降梁為晉人所圍太祖
遣王虔裕以精兵百人疾馳夜破晉圍入邢州遲明立
梁旗幟于城上晉人以為救兵至乃退 又曰契丹圍
幽州是時晉與梁相持河上欲發兵兵少欲勿救懼失
之莊宗疑以問諸將而李存審獨以為當救曰願假臣

騎兵五千足矣乃遣存審分兵救之卒擊走契丹 梁
紀曰石敬瑭徙鎮天平不受命曰太原地險而粟多吾
當內檄諸鎮外求援契丹可乎 通鑑宋紀曰儂智高
進圍廣州知州魏瓘力戰禦之知英州蘇緘蒐募壯勇
合數千人赴援扼賊歸路得黃師宓父斬之以徇而轉
運使王罕亦自外至募民兵益脩守備城得不陷 又
曰金齊合兵圍廬州守臣仇愈嬰城固守求援于岳飛
飛遣牛皐徐慶援之皐至遙語金將曰牛皐在此爾輩

胡為見犯衆愕然不戰而潰 又曰趙彥呐進屯青野

原蒙古為之曹友聞曰青野為蜀咽喉不可緩也即往

救之半夜載戰遂解其圍既而蒙古先鋒汪世顯擣大

安友聞又救之指揮甫畢蒙古大軍數萬突至友聞迎

戰又敗之敵乃退友聞遂引兵扼仙人關 弇州史料

曰開平王卒於軍李文忠代將詔移兵陝西與大將軍

合而攻慶陽行次太原慶陽則已平而賊東攻大同甚

急文忠曰兵可無西也援大同便軍吏以為疑文忠按

劔叱曰閫外之事吾得專之敢言不援大同者斬

救援二

原犄角

脣齒

左傳戎子駒支曰晉禦其上戎亢其下譬如捕鹿晉人角之諸戎犄之又諺

所謂輔車相依脣亡齒寒者虞虢之謂也

竊軍符

絕糧道

史魏信陵君無忌矯命令

如姬竊軍符于魏王卧内矯發晉鄙軍以救趙吳楚反攻梁梁急日使使請救于周亞夫亞夫堅壁不出梁請于帝帝詔亞夫救梁亞夫不奉詔但絕吳糧道吳食盡而退擊大敗之

堅壁襲賊

射

戟罷兵

後漢馬武王霸攻周建武敗奔霸堅壁示不相援賊乘勝輕進襲背破之劉備求救于呂布

布至謂諸軍曰玄德布弟也故相救布好解關今植戟營門射小支中則諸軍皆罷一發中之諸軍皆伏遂罷

兵此亦宜僚弄丸之類

宗伯哀敗

大國救災

周禮宗伯以禮禮哀圖敗注同

盟者會財以救若宗災也大國之于小國匡救其災

不救則恥

不救而勞

穀梁諸侯相滅亡齊不相救則桓公耻之祖擊赤眉耿純伯山營在前去衆營數里賊夜攻純純選敢死士出賊後擊破之世祖明旦與諸將至營勞純曰昨夜困乎大軍不可夜動故不相救也

增

請從簡書

不俟詔命

左傳曰閔公元年狄人伐邢管敬仲言于齊侯請救邢以從簡

書

通鑑唐紀曰義武節度使王處存聞長安失守號哭累日不俟詔命舉軍入援遣二千人間道詣興元衛

車

霽雲斷指

處讓截耳

唐書張巡傳曰巡復遣南霽雲如臨淮告急賀蘭進

明初無出師意又受霽雲壯士欲留之為大饗樂作霽雲泣曰睢陽將士不粒食已彌月今大夫兵不出而廣

設聲樂義不忍獨饗雖食不下咽今主將之命不達霽
雲請置一指以示信歸報中丞也因拔佩刀斷指一座
大驚為出涕卒不食去 五代史曰劉處讓少為張萬
進親吏萬進叛梁附晉梁遣劉鄩討之萬進遣處讓求
救于晉晉王方與梁相拒未能出兵處讓乃于軍門截
耳而訴曰萬進所以見圍者以附晉也奈何不顧其急
苟不出兵願請死晉王壯之曰義士也為之發兵
觀望莫肯救 遷延不敢

行 唐書張巡傳曰御史大夫賀蘭進明屯臨淮許叔冀
尚衡次彭城皆觀望莫肯救 又李光弼傳曰北邙

之敗朝恩羞其策謬故深忌光弼切骨而程元振尤疾
之二人用事日謀有以中傷者及來瑱為元振讒死光

弼愈恐吐蕃寇京師代宗詔入援光弼畏禍遷延不
敢行及帝幸陝猶倚以為重數存問其母以解嫌疑

倍道至河中 間道詣興元 通鑑唐紀曰德宗幸奉天
糧料使崔縱勸李懷光令

入援懷光從之縱悉歛軍資與懷光皆來懷光晝夜倍道至河中力疲休兵三日河中尹李齊運傾力犒宴軍尚欲遷延崔縱先輦貨財渡河謂衆曰至河西悉以分賜衆利之西屯蒲城有衆五萬下詳不俟詔命注

救援三

增奉漏甕沃焦釜

春秋後齊語曰秦攻趙長平齊楚救趙人無食請粟于齊齊欲勿與周

子曰不如與之以退秦兵不與則秦兵不却是秦之計中而齊楚之計過也且趙之于齊楚捍蔽也猶齒之于脣脣亡則齒寒今日亡趙明日患及齊楚是救趙之務宜若奉漏甕沃焦釜也

出兵相犄角

唐書哥舒曜傳曰李希烈自率兵三萬圍曜築甬道屬城矢集如雨帝遣神策將劉德信以兵三千援之又詔河南都統李勉出兵相犄角

聲聞數里

通鑑唐紀曰馬舉將精兵三萬救泗州乙巳分軍三

道渡淮至中流大譟聲聞數里賊大驚不測衆寡斂兵屯城西寨舉就圍之縱火焚柵賊衆大敗斬首數千級王弘立死吳迴退保徐城泗州之圍始解

黃柑遺敵

通鑑宋紀曰金人長驅趨洋漢劉子羽聞王彥敗亟命田晟守饒風關而遣人召吳玠入援玠自河池日夜馳三百里至饒風以黃柑遺敵曰大軍遠來聊用止渴薩里罕大驚以杖擊地曰爾來何速耶

救援四

增詩唐杜甫觀安西兵過赴關中待命詩曰奇兵不在衆萬馬救中原談笑無河北心肝奉至尊孤雲隨殺氣飛鳥避轅門竟日留歡樂城池未覺喧

退散一

增周禮春官肆師凡師不功則助牽主車

助牽主車恐為敵所得也

退散二

增左傳曰閔公二年鄭人惡高克使帥師次於河上久而弗召師潰而歸高克奔陳鄭人為之賦清人 三國典略曰周武伐齊齊主親戰東偏頗有退者淑妃怖曰軍敗矣穆提婆進曰大家去齊主以淑妃奔高梁齊眾大潰軍資甲杖數百里間委棄山積在陣死者八千餘

人唐書李密傳曰王世克陰索貌類密者使縛之既
兩軍接埃霧囂塞世克軍江淮士出入若飛密兵心動
世克督衆疾戰使索類密者過陣譟曰獲密矣密軍亂
遂潰引騎遁武牢衆稍散又郭子儀傳曰子儀與光
弼僕固懷恩渾釋之陳回光等擊賊嘉山斬首四萬級
獲人馬萬計思明跳奔博陵於是河北諸郡往往斬賊
首迎王師又曰乾元元年詔大舉九節度師討安慶
緒以子儀光弼皆元功難相臨攝第用魚朝恩為觀軍

容使而不立帥子儀自杏園濟河收衛州進圍相州戰

鄴南子儀督後軍未及戰會大風拔木遂晦跬步不能

相物色於是王師南潰賊亦走輜械滿野諸節度引還

子儀以朔方軍保河陽斷航橋時王師衆而無統進退

相顧望責功不專是以及于敗 又哥舒翰傳曰翰與

崔乾祐戰士棄甲奔山谷及陷河死者十一二有糧艘

百餘軍爭濟艘輒沉至縛矛盾乘以渡喧叫震天地賊

乘之奔潰略盡始關門有三塹士馬奔蹙相壓逐少選

漸平後至者踐之以入 五代史曰徐懷玉從龐師古
攻楊行密師古敗清口懷玉獨全一軍行收散卒萬餘
人以歸 兵畧纂聞曰宸濠反官兵方破省城王守仁
忽傳令造免死木牌數十萬莫知所用及發兵迎擊宸
濠於湖上取木牌順流放下時賊兵既聞省城已破脅
從之衆俱欲逃竄無路見水浮木牌一時爭取散去不
計其數

退散三

原一青

三北

孟明敗秦伯曰大夫何罪且吾不以一青掩大德

管仲曰吾嘗三戰三北鮑

叔不以我為怯知我親在故也

棄甲

倒戈

華元棄甲復來罔有敵于我師前徒倒戈攻

於後以北

大崩

重罪

大崩曰敗績失屬亡師為罪已重

抵罪

奉主

魏志令曰司馬法將軍死綏有前一尺無却一寸故趙括母乞不坐是知古之將軍破于外而家罪于內其令

敗軍者抵罪失利者免官爵周禮云師不功則厭而奉主注厭喪冠也

喪師

覆師

子喪

師徒何以復命

席卷

瓦解

宵遁

宵潰

敗衄

逗撓

再敗有罪

七遇皆北

達越曰再敗君師死且有罪北戰敗也

轍亂

旗靡

風聲鶴唳

齊師敗曹劌視其轍亂望其旗靡故逐之晉苻堅以百萬入寇謝玄謝

石以八萬拒之大敗堅師堅衆奔潰投江水
為之不流聞風聲鶴唳皆以為王師已至

商周不

敵 蔡衡不枝

傳商周之不敵
固將先敗

知難而退 聞強而

退

軍志曰知難而退
聞強敵而退非夫也

軍有敗謀 師無成命 既

未知兵 何以為將 此無遺鏃之費 彼有倒戈之

功 戰士不能深入 大夫無乃淺為 授再衰三竭

之鼓 呼再戰再北之師 晉人拔數奔之旆 衛侯

去甚敗之旗 有令出征且期後勁 無剛嘗寇遽見

出奔

退散四

增粉潰

海錄碎事曰白羽纔揮山徒粉潰

聲如崩山

通鑑宋紀曰金軍進次于三峯

山軍士有不食至三日者蒙古兵與河北兵合四面圍之熾薪燔肉更迭休息乘金困憊乃開釣州路縱之走

而以生兵夾擊之金

無一人禦敵

又曰金幹喇布陷相濬二州威武軍

軍遂潰聲如崩山

節度使梁方平帥禁旅屯于鞏陽河北岸金將達呼布奄至方平奔潰河南守橋者望見金兵旗幟燒橋而遁

河北河東路制置副使何灌帥兵二萬退保滑州亦望風迎潰官軍在河南者無一人禦敵金人遂取小舟以

濟凡五日騎兵方絕步兵猶未渡也旋渡旋行無復隊伍金人笑曰南朝可謂無人若以一二千人守河我豈

能渡哉遂

每退必赭其地

又曰契丹主茂元吳元昊請和樞密使蕭惠以為大

陷滑州

軍既集宜加伐不可許和契丹主猶豫未決元昊以未
得成言又退師三十里以候凡三退將百里每退必赍
其地契丹馬無所食因許和

退散五

增疏唐周太元彈李聽疏曰委貝州而不守燒劫無遺
望棧口而疾馳狼狽就道自圖苟免不憚包羞

敗將一

增衛公兵法曰軍有賢智而不能用者敗上下相親而
各述己長者敗賞罰不當而衆多怨言者敗知而不敢

擊不知而擊之者敗地利不得而足多戰院者敗勞逸
無別不曉車騎之用者敗覘候不審而輕敵懈怠者敗
行於險道而不知深溝絕澗者敗陣無選鋒而奇正不
分者敗凡此十敗非天之殃將之過也

敗將二

增史記刺客傳曰曹沫者魯人也以勇力事魯莊公莊
公好力曹沫為魯將與齊戰三敗北莊公懼乃獻遂邑
之地以和猶復以為將後漢書鄧禹傳曰禹與赤眉

戰敗走至高陵軍士飢餓皆食棗菜帝乃徵禹還勅曰
赤眉無穀自當來東吾折捶笞之非諸將憂也無得復
妄進兵禹慙于受任而功不遂數以飢卒徼戰輒不利
又馮異傳曰鄧弘與赤眉大戰移日赤眉佯敗棄輜
重走車皆載土以豆覆其上兵士飢爭取之赤眉引兵
還擊弘弘軍潰亂異與鄧禹合兵救之赤眉小却異以
士卒飢倦可且休禹不聽復戰大為所敗又蓋延傳
曰龐萌反攻殺楚郡太守引軍襲敗延延走北渡泗水

破舟楫壞津梁幸而得免 宋書曰王玄謨代守礪礪

江夏王義恭召令還為魏軍所追大破之流矢中臂還

至歷城義恭與玄謨書曰聞因敗為成臂上金瘡得非

金印之徵耶 唐書高仙芝傳曰祿山反仙芝副榮王

東討詔監門將軍邊令誠監軍次陝郡而封常清敗還

仙芝急乃開太原倉悉所有賜士卒焚其餘引兵趨潼

關會賊至甲仗資糧委于道彌數百里令誠因言其逗

撓狀以激帝且云常清以賊搖衆仙芝棄陝地數百里

賸盜稟賜帝大怒使令誠即軍中斬之 又郭子儀傳

曰安祿山反充關內河東副元帥率師趨長安次滴水
上賊安守忠等軍清渠左大戰王師不利委仗奔子儀
收潰卒保武功待罪於朝 又房琯傳曰琯用春秋時
戰法以車二千乘繚營騎步夾之既戰賊乘風譟牛悉
髀栗賊投芻而火之人畜焚燒殺卒四萬血丹野殘衆
才數千不能軍琯還走行在見帝肉袒請罪帝宥之
又李聽傳曰史憲誠既請朝魏人怨詔聽兼帥魏博聽

遷延不即赴魏遂亂殺憲誠共推大將何進滔乘城拒
守聽不得入乃屯館陶又不設備魏人襲之師驚潰死
失殆半輜械盡棄之聽晝夜馳以免又李師道傳曰
師道欲知吳元濟虛實遣劉晏平間道走淮西元濟曰
與晏厚結懼晏平歸以為元濟暴師數萬而晏然居內
與妻孥戲博必敗之道又張介然傳曰祿山反授河
南節度採訪使守陳留陳留據水陸劇居民孳夥而太
平久不知戰介然到屯不三日賊已渡河車騎蹂騰煙

塵漫數十里日為奪光士聞鉦鼓聲皆褫氣不能授甲
凡旬六日城陷 五代史曰劉彥貞之兵施利及以拒
馬維以鐵索又刻木為獸號捷馬牌以皮囊布鐵蒺藜
於地周兵見而知其怯一鼓敗之 徐岱奉天記曰大
將唐漢臣劉德信高秉哲合統兵一萬屯於汝州三帥
各領本軍城小卒衆教令不一軍進至薛店更無它路
又不設支軍賊諜知之乘霧而進三帥望敵大潰戈矛
資糧山積馬萬餘蹄皆沒焉 通鑑宋紀曰慶歷四年

夏人歸石元孫諫官御史奏元孫軍敗不死為國辱請
斬於塞下以示西人 宋史高宗本紀曰紹興五年三
月甲戌朔以王瓊貪縱不武敗師誤國責授濠州團練
使 弇州史料曰燕兵起命李景隆北伐用裴度故事
賜通天犀帶人主為推輪親送之江滸且令得以一切
便宜誅賞時諸宿將多物故鮮存者而存者亦已老又
皆景隆諸父行怏怏不肯為之下而景隆暴得意自尊
大每升帳踞高坐毋敢與抗禮者皆唯唯不能吐片語

而退景隆會兵五十萬於德州乘燕王之攻大寧遂進
薄北平築壘九門為長圍以困之王還師自救景隆逆
戰大敗死者十餘萬明日九門之師復潰死者復數萬
乃退走王復攻大同景隆引兵出紫荆關時寒士卒墮
指者什二三

敗將三

原賁軍

失屬

死寇賁軍之將賁敗也
音奔 傳失屬亡師

賁功

補過

增減死

除名

晉書曰張駿為涼州牧西域長史李
柏請討叛將趙貞為貞所敗議者以

柏造謀致敗請誅之駿曰吾每以漢世宗之殺王恢不如秦穆之赦孟明竟以減死論群心咸悅隋書曰宇文述進軍東濟薩水去平壤城三十里因山為營乙支文德復遣使偽降請述曰若旋師者當奉高元朝行在所述見士卒疲弊不可復戰又平壤峻固卒難致力遂因其詐而還衆半濟賊擊後軍于是大潰不可止九軍敗績一日一夜還至鴨綠水行四百五十里初度遼九軍三十萬五千人及還至遼東城唯二千七百人帝大怒以述等屬吏除名為民

死將

畔敵

宋書殷孝祖傳曰時賊據

吏除名為民

死將

畔敵

宋書殷孝祖傳曰時賊據

合戰常以鼓蓋自隨軍中人相謂曰殷統軍可謂死將矣今與賊交鋒而以羽儀自標顯若使射者十士搆射

欲不斃得乎是日于陣中流矢死海錄碎事曰將軍今乃有畔敵之名大為中國羞注畔敵謂不敢當敵也

原因獸猶鬪

棄甲復來

荀林父敗晉侯將殺之士貞子諫云謀人之軍師敗

則死之困獸猶鬪況國相乎
下宋華元事

將有敗謀軍無成命不

可以師何以為將增七軍皆沒匹馬無返

魏志于禁

傳曰太祖在長安使曹仁討關羽于樊又遣于禁助仁
秋大霖雨漢水溢平地水數丈禁等七軍皆沒海錄

碎事曰孟明之敗匹馬騎輪無返者

歲在庚午星在降婁

唐書薛仁貴傳曰吐

蕃入寇命為邏娑道行軍大總管率將軍郭待封擊之
待封嘗為鄯城鎮守與仁貴等夷及是耻居其下頗違
節度仁貴約齎至河口遇賊破之多所殺獲進至烏海
城以待後援待封初不從領輜重踵進吐蕃率衆二十
萬邀擊取之糧仗盡沒仁貴退居大非川吐蕃益兵四
十萬來戰王師大敗仁貴與吐蕃約和乃得還仁貴歎
曰今歲在庚午星在降婁不應有事
西方鄧艾所以死于蜀吾固知必敗

申脰就鞅蹴

足入絆

注見受降二

原陵心竊慕此

參肉足食乎

李陵書范

蠡不徇會稽之恥曹沫不死三敗之辱卒復句踐之讐報魯君之羞區區之心竊慕此爾伍參欲戰孫叔敖

云戰而不捷參之肉其足食乎

既謀之不臧

盍死而無悔

疏勒

井竭將軍未降

耿恭

居延矢窮都尉已沒

李陵

楚殺得

臣再世不競

秦用孟明卒復東征

亦既敗軍未及

楚殺子玉

不能死寇猶望秦用孟明

敗將四

增獨與二十四騎還

後漢書鄧禹傳曰禹與車騎將軍鄧弘擊赤眉遂為所敗眾皆死散

禹獨與二十四騎還詣宜陽謝上大司徒
梁侯印綬有詔歸侯印綬數月拜右將軍

赴澗死者

如積

晉書陸機傳曰成都王穎討長沙王乂假機都督
機始臨戎而牙旗折意甚惡之列軍自朝歌至于

河橋鼓聲聞數百里漢魏以來出師之盛未嘗有也長
沙王乂奉天子與機戰于鹿苑機軍大敗赴七里澗而

死者如
積焉

要當為國家受人一刀

唐書屈突通傳曰通
將自武關趨藍田以

援長安至潼關阻劉文靜兵不得進通令桑顯和夜襲
文靜詰朝大戰破二壁顯和以士疲乃傳餐食文靜困
得分兵實二壁會游軍數百騎自南山遠擊其背顯和
遂潰通勢蹙每自摩其頸曰要當為國家受人一刀勞
勉將士未嘗不流涕人以此懷之

士死麻葦

又房琯傳曰琯分三軍
趨京師中軍北軍遇賊

陳濤斜戰不利琯欲持重有所伺
中人邢延恩促戰故敗士死麻葦

垂狐尾

又曰吐蕃
以累世戰

沒為甲門敗懦者垂狐尾
于其首以表狐之性怯

棄馬縋城而出

宋史徽宗本紀曰郭

藥師與高世宣楊可世等襲燕薊幹以兵入援戰
于城中藥師等屢敗皆棄馬縋城而出死傷過半

用

六甲法

又欽宗本紀曰金兵圍京城郭京用六甲法盡
令守禦人下城大啟宣化門出攻金人兵大敗

京托言下城作法
引餘兵遁去

有敗氣

弇州史料曰張玉率所部從
燕王南下長興侯耿秉文以

二十萬軍真定王請單騎覘之還謂秉文不能訓其眾
且有敗氣急擊勿失諸將猶以兵力不相當難之玉曰
彼眾而囂我銳而整胡不相當也燕王顧玉而笑謂
必從若吾倚若一人足辦遂前薄真定大敗其軍

敗將五

增文唐李華弔古戰場文曰鼓衰兮力盡矢竭兮弦絕

白刃交兮寶刀折兩軍蹙兮生死決

善敗一

增通典曰楚昭王遭闔廬之禍國滅出亡父老送之王
曰父老返矣何患無君父老曰有君如是其賢也相與
從之咸奔赴秦號哭請救秦人為之出兵昭王返國所
謂善敗不亡者也 唐書李靖傳曰靖隨河間王孝恭
討蕭銑舟師叩夷陵銑將文士弘以卒數萬屯清江孝
恭欲擊之靖曰不可孝恭不聽留靖守屯自往與戰大

敗還賊委舟散掠靖視其亂縱兵擊破之又李嗣業

傳曰高芝仙為大食所敗殘卒數千事急嗣業謀曰將

軍深履賊境後援既絕而大食乘勝諸賊銳於鬪我與

將軍俱前死尚誰報朝廷者不如守白石嶺以為後計

又李希烈傳曰希烈反滑汴副都統劉洽率軍十餘

萬戰白塔不利夜入宋州賊驟勝徑薄寧陵時洽將高

彥昭劉昌共嬰壘以守請援于洽其屬作書言城且危

彥昭視曰君輕我耶取紙自為書洽得書曰健將在西

吾何憂選兵八百夜艾而入賊不知詰旦傳城士奮出
希烈大敗

善敗二

原不亡

自若

善敗者不亡
不利失其常度

吳漢字子顏諸將見戰
漢意氣自若方整勵器

械帝歎曰吳公差彊
人意隱若一敵國

增德

脩政

晉趙衰曰秦師又
至將必避之懼而

增德不可當也知懼如是斯不亡矣
孟明再敗後增脩德政重施于人

亦能軍

終奮

翼

鄭敗王師祝眡射王中肩王亦能軍言雖軍敗身傷
猶能殿師以退故曰能軍後漢馮異鄧禹被赤眉

所敗異棄馬步走至迴谿阪與麾下數人歸營堅壁約
期復戰大破于崤底降男女八萬餘人帝聞之璽書勞

異曰始雖垂翅回谿終能奮翼泥池可謂收之桑榆

為後圖

收餘燼

漢晉春秋街亭

敗後或勸諸葛亮更發兵亮曰欲滅兵思過則功可翹足而待于是考微勞甄壯烈引咎責躬以為後圖民忘

其敗收合餘燼背城借一

察傷夷

補卒乘

增復成軍

益

治軍

唐書段秀實傳曰高仙芝討大食圍怛羅斯城會虜救至仙芝兵却士相失秀實夜聞副將李嗣業

聲識之因責曰憚敵而奔非勇也免已陷衆非仁也嗣業慚乃與秀實收散卒復成軍又馬燧傳曰汴將李靈耀反詔燧與淮西李忠臣討之師次鄭靈耀多張旗幟以犯王師忠臣之兵潰而西將遂歸燧止之益治軍忠臣乃還收亡卒復振

御定淵鑑類函卷二百二十二

謹案卷二百二十一第十一頁前七行威明阿密

舊作嵬名阿埋 又八行默拉多卜舊作妹勒

都逋 三十三頁後一行特古斯特穆爾舊作


脫古思帖木兒今並改

卷二百二十二第二十六頁後五行達呼布舊作

迪古補今並改後倣此

謹案卷二百二十二第二十一頁前七行賊乘勝
輕進刊本勝訛時據後漢書改





總校官庶吉士臣張能照

校對官編修臣朱攸

謄錄監生臣勵世馨

謄錄貢生臣潘沛然

欽定四庫全書薈要

子部

御定淵鑑類函卷二百二十三

詳校官兵部主事臣雷純

欽定四庫全書薈要卷一萬一千六百七十一

子部

御定淵鑑類函卷二百二十三

武功部十八

劍

匕首
斧鉞

劍一

釋名曰劍檢也所以防檢非常也

集韻曰鐔劍口

也 字林曰琕劍鼻也 方言曰鞘謂之室 說文曰

鞘劍衣也亦曰禱

音饒

周官曰鄭之刀宋之斤魯之削

吳越之劍遷乎其地而不能為良地氣然也 龍魚河

圖曰流州在西海中上多積石名為昆吾石冶其石成鐵作劍光明四照洞如水精割玉如泥 又曰劍名飛

揚 管子曰葛天盧之山發而出金蚩尤受而制之以為劍鎧矛戟此劍之始也 又曰羽劍珠飾者斬生之

斧也 孫卿子曰桓公之慈太公之闕文王之琢莊君之忽闔閭之干將莫邪巨闕辟閭皆古良劍也 尸子

曰水試斷鵠鴈陸試斷牛馬所以觀良劍也 初學記

曰周官桃氏為劍臘廣二寸有半寸

臘謂兩刃

兩從半之

脊劍

兩面殺
趨鏑

以其臘廣為之莖圍長倍之

莖謂劍夾人之中所握鐔以上

其莖設其後

謂從中以却稍大之

身長五其莖長重九釭謂之上

制上士服之身長四其莖長重七釭謂之中制中士服

之身長三其莖長重五釭謂之下制下士服之其後楚

有龍淵秦有太阿工市吳有干將鑢耶屬鏐越有純鉤

湛盧豪曹魚腸巨闕諸劍

吳越春秋曰干將吳人與歐冶子同師闔閭使造劍二枚

一曰干將二曰鑢耶鑢耶者干將之妻名干將作劍採五山之精合六金之英候天同地陰陽同光金鐵之類未肯淪流干將夫妻乃斷髮剪指投之鑪中使童子二百鼓橐裝炭金鐵乃濡遂以成劍陽曰干將而作龜文

陰曰鎔耶而作漫理干將
匿其陽以其陰獻之闔閭

魏文帝有飛景流彩華鋒三

劍

見典論

吳有白虹紫電辟邪流星青冥百里六劍

見崔豹古

今皆陸斷馬牛水擊鴻鴈當敵則斬於甲盾

戰國策曰韓卒之劍

皆出於冥山棠谿墨陽宛馮龍泉太阿

此天下名器也

見列子

古者天子二

十而冠帶劍諸侯三十而冠帶劍大夫四十而冠帶劍

隸人不得冠庶人有所事得帶劍無事不得帶劍

見賈禮子

之所興也劍之在左青龍象也刀之在右白虎象也

見春

秋繁露

舊制上公九命則劍履上殿儲君禮均羣后宜劍

舄升殿或云漢魏諸君制不納舄則知劒履上殿久矣
漢儀諸臣帶劒至殿階解劒晉世始代之以木貴者猶
用玉首賤者用蚌金銀玳瑁為雕飾

見周遷輿服雜事

漢武

內傳曰西王母帶分景之劒上元夫人帶流黃澤精之
劒 山海經注曰汲冢中得銅劒一枚長三尺五寸
今所名干將劒明古者通以錫銅為兵器 又曰君子
之國其人衣冠帶劒 增玉海亢倉子曰蜚景之劒威
奪白日氣成紫蜺 又續志注曰漢舊儀乘輿帶七尺

斬蛇劍

古今注高祖為亭長提三尺劍及費別得七尺寶劍故儀因之

廣雅曰燕支

蔡愉千勝墨陽並稱名劍 楚詞曰執棠谿以拂蓬萊

干將以割肉

劍二

原左傳曰吳王賜子胥屬鏤以死 增詞林海錯曰荀

子劉以獨鹿棄之江

注與屬鏤同

原列子曰衛孔周其祖

得殷帝之寶劍童子服之却三軍之衆其一曰含光視之不可見運之不知其所觸泯然無際經物而物不覺

二曰承影將旦昧爽之交日夕昏明之際北面察之淡
焉若有物在莫識其狀其觸物也寂無有聲而物不疾
三曰霄練方晝見影而不見光方夜見光而不見影騭
然而過隨過隨合覺疾而不血刃此三寶傳之十三世
矣 又曰宋王有蘭子者以技干宋元君弄七劍迭躍
之五劍常在空中元君大驚立賜金帛 又曰周穆王
征西戎西戎獻昆吾之劍赤刃切玉如泥 莊子曰昔
趙文王喜劍莊子曰臣聞大王喜劍臣有三劍惟王所

用有天子劔有諸侯劔有庶人劔天子之劔以燕谿石
城為鋒齊代為鍔晉衛為脊周宋為鐔韓魏為缺統以
渤海帶以常山此劔一用匡諸侯天下服矣諸侯之劔
以智勇士為鋒以精廉士為鍔以賢良士為脊以忠聖
士為鐔以豪傑為缺此劔一用如雷霆之震也庶人之
劔蓬頭突鬢垂冠曼胡之纓短後之衣瞋目而語難相
擊於前此無異鬪雞一旦命以絕矣今大王有天子之
位而好庶人之劔臣竊為大王薄之 呂氏春秋曰荆

有飲飛者得寶劍於江干遂還反涉江至於中流而兩
蛟夾繞其船飲飛攘臂祛衣拔寶劍赴江刺蛟殺之荆
王聞之任以執圭 說苑曰經侯往適魏太子左帶玉
具劍右帶環佩左光照右右光照左 吳越春秋曰越

王允常聘歐冶子作名劍五枚一曰純鉤二曰湛盧三

曰豪曹

或曰盤郢

四曰魚腸五曰巨闕秦客薛燭善相劍王

取純鉤示之薛燭矍然望之曰沈沈如芙蓉始生於湖
觀其文如列星之行觀其光如水之溢塘觀其色煥煥

如水將釋見日之光王曰客有賣此劍者有市之鄉三十駿馬千匹千戶之都二其可與乎薛燭曰不可臣聞王之造此劍赤堇之山破而出錫若耶之谿涸而出銅吉日良時雨師灑道雷公發鼓蛟龍捧爐天帝裝炭太一下觀於是歐冶子因天地之精造為此劍取湛盧視之薛燭曰善哉含金鐵之英行氣託靈服此劍者可以折衝伐敵人君有逆謀則去之允常以魚腸湛盧豪曹獻吳王僚後闔閭為一女殺生以送死湛盧之劍惡其

無道乃去如楚昭王寐而得之召風胡子問之此劍值
幾何對曰赤堇之山已合若耶之谿深而不測羣神上
天歐冶子已死雖有傾城量金珠玉猶不可與况駿馬
萬戶之都乎 又曰伍子胥過江解其劍與漁父曰此
劍中有七星北斗其值百金 越絕書曰楚王召風胡
子而問之曰寡人聞吳有干將越有歐冶子寡人願請
此二人作鐵劍乃令風胡子之吳見干將越見歐冶子
干將使之鑿茨山洩其谿取其鐵英作劍三枚一曰龍

淵二曰太阿三曰工市楚王問之風胡子對曰欲知龍
淵狀如登高山臨深淵欲知太阿觀其鏐巍巍翼翼如
流水之波欲知工市鏐從之間起至脊而止如珠而不
可枉文若流而不絕晉鄭聞而求之不得興師圍楚於
是王引泰阿之劍登城而麾之三軍破敗士卒迷惑流
血千里江水抑折晉鄭之頭畢白 史記曰吳季札之
初使北過徐徐君好季札劍口不敢言季札知之為使
上國未獻還至徐徐君已死乃解其寶劍繫徐君塚樹

而去 又曰秦昭王臨朝歎息應侯進曰臣聞主憂臣
辱主辱臣死今大王中朝而憂臣敢請其罪王曰吾聞
楚之鐵劍利而倡優拙夫鐵劍利則士勇倡優拙則思
慮遠矣以遠思慮而御勇士恐楚之圖秦 又曰高祖
送徒驪山到豐而夜經澤中令一人行前行前者還報
曰前有大蛇當徑願還高祖曰壯士行何畏乃前拔劍
斬蛇 增又子貢傳曰越使大夫種言於吳王曰奉先
人藏器甲二十領鈇屈盧之矛步光之劍以賀軍吏吳

王大說 又任安傳曰有詔擇衛將軍舍人以為郎將
軍取舍人中富給者令具鞍馬絳衣玉貝劔 原漢書

曰雋不疑字曼倩帝使暴勝之為直指使者素聞不疑
賢遣吏請與相見不疑冠進賢冠帶櫛具劔至門門下

欲使解劔不疑曰劔者君子武備所以衛身不可解

石櫛

落壯
大貌

又曰陸賈常乘安車駟馬從歌鼓琴瑟侍者十

人寶劔值百金其遊漢庭名聲藉甚 東觀漢記曰世

祖時有獻名馬寶劔值百金馬以駕鼓車劔以賜騎士

增後漢書應奉傳注延熹中詔曰以奉昔守南土威
名播越賜駸犀方具劔金錯把刀劔革帶各一奉其勉
之 又蔡倫傳曰倫為上方令永元九年監作祕劔及
諸器械莫不精工堅密為後世法 原文士傳曰魏文
帝愛楊修才修誅後追憶修修曾以寶劔與文帝文帝
後佩之告左右曰此楊修劔也 典論曰建安二十四
年二月壬午魏太子丕造百辟寶劔長四尺二寸選茲
良金令彼國工精而鍊之至於百辟淬以清漳礪以礪

諸光似流星名曰飛景 異苑曰晉惠帝元康三年武庫火燒孔子履高祖斬白蛇之劍咸見此劍穿屋飛去莫知所向 雷次宗豫章記曰吳末亡恒有紫氣見斗牛之間占者以為吳興唯張華以為不然及吳平此氣愈明聞雷孔章妙達緯象乃要宿屏人問孔章曰惟斗牛之間有異氣是寶物之精上徹於天耳孔章具言精在豫章豐城遂以孔章為豐城令至縣掘深二丈得玉匣長八尺開之得二劍其夕斗牛氣不復見孔章乃留

其一匣而進之劍至光耀煥若電發後張華遇害此劍
飛入襄城水中孔章臨亡戒其子恒以劍自隨後其子
為建安從事經淺瀨劍忽於腰間躍出初出猶是劍入
水變為龍逐視之見二龍相隨逝焉 沈約宋書曰世
祖賜謝莊劍以與豫州刺史魯爽別後爽反叛世祖因
宴集問劍所在答曰昔以與魯爽別竊為陛下杜郵之
賜上甚悅當時以為知言 增唐書劉仁軌傳曰仁軌
遇倭人白江口四戰皆克扶餘豐脫身走獲其寶劍

又高駢傳曰蕭勝納賄呂用之求鹽城監駢不肯用之
曰仙人言鹽城有寶劍須真人取之唯勝可往駢許諾
數月勝獻銅匕首用之曰此北帝所佩也得之者兵不
敢犯 又南蠻傳曰南詔異牟尋獻鐸鞘浪劍鬱刃鐸
鞘者狀如殘刃有孔旁達出麗水飾以金所擊無不洞
夷人尤寶月以血祭之鬱刃鑄時以毒藥並冶取迎躍
如星者凡十年乃成淬以馬血以金犀飾鐸首傷人即
死浪人所鑄故亦名浪劍王所佩者傳七世矣 又曰

裴度發蔡州上封二劔以授梁守謙使誅吳元濟舊將
度至鄆城遇之與俱入蔡州量罪施刑不盡如詔旨仍
上疏言之 又曰西川黃頭軍使郭琪為田令孜激變
陳敬瑄命將攻之琪夜突圍出奔廣都從兵皆潰獨廳
吏一人從息於江岸琪謂廳吏曰陳公知吾無罪然軍
府驚擾不可以莫之安也汝事吾能始終今有以報汝
汝齎吾印劔指陳公曰郭琪走渡江我以劔擊之墜水
尸隨湍流下矣得其印劔以獻陳公必據汝所言榜懸

印劔於市以安衆汝當獲厚賞吾家亦保無恙吾自此
適廣陵歸高公後數日汝可密以語吾家也遂解印劔
授之而逸廳吏以獻敬瑄果免琪家 又曰田令孜奉
僖宗發寶雞時軍民雜糅鋒鏑縱橫以神策軍使王建
晉暉為清道斬斫使建以長劔五百前驅奮擊乘輿乃
得前 又曰高郵鎮遏使張雄淮南人善劔號張神劔
五代史曰莊宗好戰而輕敵與梁軍戰潘張軍敗而
潰莊宗得三四騎馳去梁兵數百追及攢稍圍之元行

欽望其旗而識之一騎飛馳奮劍斷其二矛斬首一級
梁兵解去 又曰霍彥威嘗戰敗脫身走麾下兵無從
者獨客淳于晏徒步以一劍從之榛棘間以免 又曰
有夫婦訟其子不孝者安重榮拔劍授其父使自殺之
其父泣曰不忍也其母從旁詬罵奪其劍而逐之問之
乃繼母也重榮叱其母出從後射殺之 八編類纂曰
宋太祖欲伐江南曹彬與諸將入辭上謂彬曰南方之
事一以委卿切勿暴掠生民務廣威信使自歸順不須

急擊也且以匣劍授彬曰副將而下不用命者斬之
宋史真宗本紀曰代州進士李光輔善擊劍詣闕帝曰
若獎用之民悉好劍矣遣還兵畧纂聞曰孫炎為處
州總制時上方事延攬秀民伏匿山谷中未肯出青田
劉基最知名使者再往不出以一寶劍奉炎炎以為劍
當獻天子斬不順命者我人臣不可私受作詩封還之
仍草數千言陳天時人事

劍三

原鐵英

金穎

上詳劍二
下詳劍一

飾鮫

雕蚌

山海經曰鮫
鮪魚類也皮

有珠文而堅可飾刀劍口

周遷與服雜事曰劍所從來久矣其後惟朝服帶劍晉朝代之以木貴者玉飾首

賤者雕蚌

龜文

龍藻

上詳前叙
劍則含章飛景冶剛露皓流

曹毗魏都賦曰

詳劍一

彩之珍素質之寶乍虹蔚波映或龜文龍藻苔鋒冰
幹紫穎霜杪服之可以威百蠻指麾可以開昏擾

步光

飛景

曹植七啓曰步光之劍
華藻繁縟下詳劍二

齊金

楚鐵

國語

曰桓公問曰齊國寡甲兵為之若何管子曰小罪謫以
金分宥問罪入美金以鑄劍戟試諸狗馬下詳劍二

玉頭珠口

晉東宮舊事曰太子儀飾
有玉頭劍下詳飾鮫注

犀表

魚

文魏文帝典論曰余好擊劍命彼國工以為寶器飾以
文玉表以通犀淮南子曰夫純鉤魚腸之始下型

擊則不能斷刺又不能入及加之砥礪則水斷龍角高誘注曰純鉤利劍名魚腸大理屈辟若魚腸者良劍也

賜馮

賞魏

東觀漢記曰建武二年遣馮異西擊赤眉於關中上自河南賜異乘輿七尺玉

具劍

張瑩漢南記曰魏應字尹伯任城人明魯詩章帝重之數見論難於前特受賞賜劍玦衣服

辟

問

巨闕

並詳一

候天

占氣

上詳劍一注下詳劍二

鼓索

駭鑪

上詳劍一注長精而鍊之其始成也五色

駭鑪巨索自鼓雲物

魏文帝典論余好擊劍善以短乘

髻髻飛

遷地

徹天

上詳劍一

墜竹

帶槐

吳越春秋

曰越王允常聘歐冶子造劍五枚三大二小三曰豪曹秦客薛燭善相劍王取豪曹示之薛燭曰實非寶劍也

今豪曹五色黯然無華已殞其光亡其神此劍不登斬而辱則墮於飲中矣王曰寡人置劍竹盧上過而墜之

斷金獸之頸飲濡其刃以為利也周斐先賢傳曰許嘉給縣功曹儀小吏常持劍侍功曹月朔晨朝並持炬

火嘉於是忿然歎曰男兒為吏終不免賤役即投火於地以劍帶槐趨出府門太阿干越

史記李斯諫逐客上書云今陛下服太阿之劍乘織離之馬秦不生一焉而陛下悅之何也莊子云干越之

劍匣而藏之不敢輕用寶之至也神器異物張協七命云神器化成陽文陰漫雷煥

云靈異之物終當化去鐔衛櫝繞俱詳上殿入省漢書

國劍履上殿梁冀帶劍入省張鄧師宛馮有善

鑄劍者因以名宛人斬馬買牛漢書朱雲請上

於馮鑄劍因為號為渤海太守令人賣劍買牛常盛不折景帝賜之

劍綰曰先帝賜臣劍凡六不敢奉詔使取之六

洗削

砥礪

史記貨殖傳郅氏以洗削鼎食法言千將

增曳影

滅魂

拾遺記曰顓頊高陽氏有曳影之劍騰

方則克伐未用之時常在匣中如龍虎之吟

又

玉

珥

蒯綏

楚辭曰撫長劍分玉珥蒯草名綏把劍

氣白

色青

拾遺記曰漢上皇賜高祖一劍高祖常佩

白氣如雲出戶外狀如龍蛇呂后改庫曰靈金藏惠帝
即位以此庫貯禁兵器名曰靈金內府西陽雜俎曰
大厯中高郵人張存以踏藕為業嘗於陂中見早藕稍
大如臂遂併力掘之深二尺大至合抱以不可窮乃斷

之中得一劍長二尺色青無月

蘭葉

蓮花

景苑詳注曰唐詩蘭葉千旗照平浦蘭葉劍也

李白詩曰起舞蓮花劍行歌明月宮

扁諸

靈寶

潛確類書曰皇覽閭閻既鑄成干將

莫邪二劍餘鑄得三千並號扁諸之劍
夢溪筆談曰錢塘閭人紹一劍削十大釘皆截劍無纖迹用力屈之

如鉤縱之鏗然有聲復直如絃古之所謂靈寶劍也

斷水

破山

拾遺記曰越王勾踐鑄八

劍一曰斷水畫水開則不合
廣異記曰有農夫耕地得劍賈胡售以百萬約明旦取之農夫夜歸庭中有石

偶以劍指之石遂中斷詰旦賈胡載劍至視之歎曰劍
光已盡不復買矣農夫問故曰此名破山劍唯可一用

吾欲持之以破寶山耳

吹毛

吼血

杜甫詩曰騎突劍吹毛杜甫南郊賦曰長劍吼血

斷豕

揮馬

唐書唐儉傳曰儉從獐洛陽苑羣豕突出於林帝射四發輒殪四豕一豕躍及

鐙儉投馬搏之帝拔劍斷豕顧笑曰天策長史不見上
將擊賊耶何懼之甚養疴漫筆曰陳同甫名亮號龍

川始聞辛稼軒名訪之將至門遇小橋三躍而馬三却
同甫怒拔劍揮馬首推馬仆地徒步而進稼軒適倚樓

望見之大驚異遣人詢
之則已及門遂定交

原錯荆玉

銜越金

曹植上
啓曰步

光之劍綴以驪龍之珠錯
以荆山之玉下詳劍二

采山精

候月蝕

上詳劍
漢

書云韓延壽在東郡時取官銅物候
月蝕鑄作刀劍鈎鐔放效尚方事

禦羣凶

除妖

氛傳玄正都賦云苗山之鉞鑄以為劍其利也陸斷犀
兕水截輕鴻灑奔駟於中衢斬雙蛟於大江將以威

天下而禦羣凶魏文帝書曰僕有劍一枚
明珠標首藍玉飾靶用給左右以除妖氛

賜陳遵

進孔休

東觀漢記云陳遵破匈奴詔賜駁犀劍漢
書朱博奏王莽為庶人莽就國南陽太守以

莽貴重選門下掾孔休守新都相休候
之莽進其玉具劔欲以為好休不肯受
進左手捧

水心禮進劔者左手尊也秦昭王三月三日
曲水宴有金人於水中捧水心劔以奉王
五色

匣千金銘西京雜記云高祖斬白蛇劔以七采珠九
華玉為飾五色琉璃為匣月上常如霜雪

光照於外開囊拔鞘輒有風氣射人又云昭
帝時茂陵人獻寶劔上銘之曰直千金壽萬歲
一人

敵諸吏帶漢書項羽學劔不成乃曰劔一人敵不足
學學萬人敵又云魏相以文吏為丞相

好武皆令諸吏帶劔奏事司馬傳東方學史記司馬氏在趙者
以傳劔論顯劔術也

五學擊劔東方朔十衛君子斷佞臣增倚天外入指

端上詳後長劔耿介注孔帖九國志曰蜀許寂少學
劔居四明一夕有村民夫婦揭壺酒訪寂而飲迭謠

以歡寂寂飲訖聞室中夏夏有聲視之有數劍飛躍寂甚懼夫婦顧寂笑曰奉以薄伎佐酒公何懼也及舉手叱劍皆入指端至夜分乃去明日有二僧至寂以其事語之僧曰此俠也知君好劍術欲來相教耳願公無好學凡神仙清淨事異於此諸俠皆鬼為陰物故婦人與僧尼皆學之言訖命水洗足以淨水拭之乃騰空而去

刻龜形

鑄兔膽

刀劍錄曰大帝以初元十六年庚午鑄三劍長三尺六寸銘曰神龜

多刻龜形以應大橫之兆拾遺記曰昆吾山有獸如兔食銅鐵吳國武庫中兵刃皆盡忽見雙兔殺之有鐵

膽腎方知兵刃為兔所食乃鑄鐵膽為二劍雄為干將雌為莫邪

韓信劍

項襄劍

刀劍錄曰赤烏中有人得韓信劍帝以賜周瑜淮南子曰今劍或絕側贏文鬻鐵卷雖而稱以項襄之劍則

貴人爭帶之

生神芝

撞玉斗

玉塵集曰唐成都朱善存家世寶一劍劍每生神芝

則天下宴清如安史黃巢之亂劍生黑煙屬天不差毫髮沛公已去鴻門宴使張良以白璧一雙獻項王以

王斗一雙獻亞父項王則受璧置之座上亞父拔劍撞玉斗而碎之碎狡狴遺龍鳳

杜陽雜編曰德宗將幸奉天自携火精劍出內殿因歎曰千萬年社稷豈謂狗鼠所竊耶遂以劍斫檻上鐵狡

狴應手而碎上曰吾碎小冠如狡狴不足憂也及秉興遇夜侍從皆見上伏數尺光明即火精劍也孔帖曰

五代孫德昭梁太祖頗德其附己以龍鳳劍鬪雞綾遺之揮雷霆斷兕犀記纂淵海

曰劍揮雷霆旆卷風雨淮南子曰砥利劍者非以斬縞衣將以斷兕犀原德行則福

行德則興太公金匱劍銘云德行則福德廢則覆大戴禮劍之銘云帶之以為服動必行德行德

則興倍德則崩仁義為劍謀謨為劍鹽鐵論云以道德為忠仁義為劍莫之敢

當莫之敢禦湯武是也 陳思王征蜀論
云今將以謀謨為劍戟以策畧為旌旗

苗山之鉞

耶谿之鉞

傳玄正都賦云五采文身質美光炫激衝
風於秦鑪飛光天之烈燄 張協七命云

楚之陽劍歐冶所營耶谿之鉞赤山之精銷踰羊頭
鏤越鍛成乃煉乃鑠萬辟千灌豐隆奮椎飛廉扇炭

蛟龍捧鑪

男女進火

又云雷公鼓索蛟龍捧鑪 抱朴子云以五月丙午日自取壯

銅鑄五口下其銅於神鑪中以桂薪燒之以剛炭鎔之
令童男女進火劍成各長三尺六寸五分帶之入水則

蛟龍不敢近人

煉質定形

淬鋒斂鐔

潘尼武庫賦云若夫
大刀寶劍曠世絕殊

煉質於昆吾之竈定形於薛燭之爐 王子淵聖主得
賢臣頌曰工人之用鈍器也勞筋骨終日斲砭及至

巧冶鑄干將之璞清水淬其鋒越
砥斂其鐔水斷蛟龍陸刺犀革

磨革陰土

代真

人形

雷煥得寶劍二取南昌西山黃土拭之光艷照耀送一劍與張華並送黃土張更以華陰赤土送煥

拭之劍光愈亮

神仙傳曰真人去世

飾犀雕玉

綴珠飾璜

曹植七啓云步光之劍飾以文犀雕以翠綠綴以驪龍之珠錯以荆山之玉陸斷犀象未

足稱雋隨波截鴻水不漸刃傳玄正都賦云龍淵太阿巨闕干將純鉤莫邪辟閭步光綴以南海之珠飾以

夏后之璜

色如秋霜

色如秋水

淮南子云寶劍之色如秋霜越絕書云太阿

劍色視之如秋水

陸剗犀甲

水截輕鴻

淮南子云夫純鉤磨其鋒鐔則陸剗

犀甲陳琳武軍賦云其劍則越金楚冶棠谿名工清涇皓刃苗山銳鋒陸陷玄犀水截輕鴻

斬犀

截蛟斷金切玉

劉子云薛燭之寶劍雖未陸斬玄犀水截蛟龍而銳刃之資亦已露矣

下詳後指
月倒蟾注

其值千金 可值萬金

呂氏春秋曰伍員逃楚至江見一丈

人刺小船從之求涉丈人刺船渡之已絕伍員解劍以與之曰此劍其值千金願獻之丈人曰荆國之法得伍

員者爵執圭祿萬石金千鎰豈值千金劍乎辭不受世說云鍾會是荀勗從舅二人情好不協荀有寶劍可

值百萬常在母鍾夫人處會善書學荀手跡作書於母取劍仍竊去不還

長劍七尺 長

劍一丈

漢書廣川王去疾繆王太子也好文辭方技博奕倡優其殿門有成慶畫短衣大袴長劍王好

之作七尺五寸劍被服皆效焉

班固幽通賦序云衛靈公太子蒯瞶好帶劍長一丈公諫乃作短者長一尺

公知不可以
傳國乃逐之

天下名器

上世名器

烈士傳云千將為晉君作劍三

年而成劍有雌雄天下名器也以雌劍獻君留其雄者謂妻曰吾藏劍在南山之陰北山之陽松生石上劍在

其中君若覺殺吾爾生男以告之及君覺殺干將妻後生男名赤鼻具以告之赤鼻斫南山之松得劍欲往刺

之晉君夢一人眉廣三寸辭欲報仇君覺購求甚急鼻乃逃朱興山中遇客欲為之報乃刎首以奉晉君客令

鑊煮之頭三日三夜不爛君往視之客以雄劍倚擬君君頭落鑊中客又自刎三頭悉爛不可分別葬之名曰

三王塚典論云楚國太阿徐氏匕首皆上世名器長劍耿介長缺陸離宋玉

大言賦云方地為車圓天為蓋長劍耿介倚天外楚辭云余幼好此奇服年既老而不衰帶長缺之陸離冠

青雲之崔巍注長缺劍名汲郡冢劍子喬墓劍王隱晉書汲郡冢有銅劍一枚

長三尺五寸世語王子喬墓在京陵戰國時人有盜發之者覩之無所見惟有一劍停在穴中欲進取之劍

作龍鳴虎吼遂不敢近俄而徑飛上天越女試劍君大習劍吳越春秋云越

有處女道逢老人自稱袁公公問曰吾聞子善為劍願一觀之
女曰妾不敢隱惟公試之袁公即杖篠簪竹竹枝上頡橋未墮地女即提末袁公即飛上樹變為白猿遂別去
桓子新論云君大素曉習萬劍之名凡器遙視而知不須手持熟察
莒子好劍 宣帝求劍

左傳莒子庚與虐好劍苟鑄劍

必試諸人國人患之漢書外戚傳云宣帝養於掖庭號皇曾孫時許廣漢有女平君張賀謂廣漢曾孫體近可妻廣漢遂與曾孫一歲生元帝數月曾孫立為帝平君為倂孖是時公卿議更立后上乃詔求微時故劍大臣知指曰
袁紹竦劍 酈生按劍

後漢書袁紹上書云臣獨將家兵百

餘人抽戈承明竦劍翼室虎叱羣司奮擊凶醜楚漢春秋云上過陳留酈生求見使者入通上問如何人曰狀類大儒上曰吾方以天下為事未暇見大儒也使者出告酈生瞋目按劍入言高陽酒徒非大儒也

拔劍而舞 舞劍欲擊

家語云子路戎服見於孔子拔劍而舞之曰古之君子固以劍

而自衛乎孔子曰古之君子忠以為質仁以為衛不出環堵之室而知千里之外有不善則以忠化之侵暴則以仁固之何待劍乎史記項羽置酒會沛公亞父令項莊拔劍起舞欲擊沛公項伯亦起舞以蔽沛父獲免

納劍求地

解劍挂壁

管子云桓公與魯莊公及曹翹遇莊公與曹翹並納劍於

懷而求割地

並部耆舊傳云趙瑋好遊俠亭長尋之瑋乃歎曰吾無大志故為人所輕乃解劍挂壁曰瑋不

乘駟馬車不復佩劍也

遺劍與兒

守劍於路

風俗通云沛國有富家趙某者

子年數歲失母後妻復生一女性僻愛趙病會族人作遺書令悉以財屬女但遺一劍與兒年十五以劍還之後女不肯與請族人謂當以劍占之夫劍主以決斷死者度此女必不還其劍故以此令後人察之耳於是聞

之官官乃奪其財悉以與子先賢行狀云王烈字彥方時國中有盜牛者牛主得之盜者曰後將改過子幸無使王烈知頃者老父失劍於路一人行而過之欲置而去之懼後人得之劍主永失欲取而購募恐致差錯遂守之至暮劍主還見之曰守吾劍於路子請告吾姓名將以告王烈其人乃語之覓而視之乃昔時盜牛人也

末喜佩劍

李寄請劍

列女傳云末喜者夏桀之妃也美於色薄於德亂孽

無道女子行丈夫心佩劍帶冠搜神記云東越門中有嶺高數十里下北隰中有蛇長七八丈大十餘圍巫覡云欲得童女常以八月祭之凡祭輒吞己用九女李誕有小女名寄應募而行乃請好劍往伺穴口蛇出頭大如圓目如二尺鏡寄便淬龍泉水刻鹿盧形

以劍斫殺越王乃聘為后

淬龍泉水

刻鹿盧形

曰龍泉宮西平界其水可用淬劍特堅利古龍泉劍之名取於此

古劍以玉刻鹿盧形

發矧之

刃 出匣之鋒 增指月倒蟾 泛海驚鯢

拾遺記曰越王句踐

使工人以白牛白馬祀昆吾山神採金鑄之以成八劍一名掩日以之指日則光晝暗金陰也陰盛則陽滅二

日斷水以之劃水開即不合三曰轉魄以之指月蟾兔為之倒轉四曰懸剪飛鳥遊過觸其刃如斬截焉五曰

驚鯢以之泛海鯨鯢為之深入六曰滅魂挾之夜行不遇魑魅七曰却邪有妖魅者見之則伏八曰真剛以之

切玉斷金如削土木以應八方之氣鑄之也 拔劍擊柱 鳴劍抵掌

漢書叔孫

通傳曰高帝悉去秦儀法為簡易羣臣飲爭功醉或妄呼拔劍擊柱上患之 後漢書論曰臧宮馬武之徒撫

鳴劍而抵掌志馳於伊吾之北 黃蛇繞灘 青龍突陣

廣異記曰唐開元末武勝

之知靜江軍忽見灘中雷逐一黃蛇盤繞灘上靜江之人戲以石投之中蛇鎗然作金聲雷公飛去吏人往視

得一銅劍有文曰許旌陽斬蛟第三劍
開元中河西騎將宋青春每陣常運臂大呼執馘而旋
未嘗中鋒鎬西戎憚之後吐蕃入寇獲生口數千軍帥
令譯問衣大蟲皮者爾何不能害青春答曰常見青龍
突陣而來兵刃所及若叩銅鐵我謂
神助將軍也青春知乃劍之有靈也
愬遺元翼燧

贈光顏

唐書李愬以寶劍遺牛元翼曰此劍吾先人嘗
以剪大盜吾又以平蔡姦今鎮人逆天公宜用

此平之元翼拜謝曰敢有不承而愛其死力又李光
顏傳曰光顏嘗從河東軍為裨將節度使馬燧謂曰若
有奇相終必光大
操劍參乘 抽劍斷鞅續漢書曰
乃解所佩劍贈之

駕出則侍中多識者一人負傳國璽操斬蛇劍參乘
左傳曰襄公十八年晉伐齊齊侯駕將走郵棠太子與
郭榮扣馬以諫齊侯將犯
永治四方 各投五獄
之太子抽劍斷鞅乃止

錄曰梁武帝命陶弘景造神劍十三口用金銀銅錫鐵五色合為之文曰服之者永治四方又曰周昭王鑄

五劍各投五

嶽銘曰鎮嶽刻漢平名鑄魏武字

又曰漢平帝行元始元年掘得

一劍上有帝名因佩之又曰魏武帝嘗於幽谷得一劍有金字銘曰孟德王常佩之

原章帝

賜陳寵安帝賜馮石

後漢書云韓稜為尚書令與僕射鄧壽尚書陳寵同時俱以才

能稱肅宗嘗賜諸尚書劍唯此三人特以寶劍自手署其名曰韓稜楚龍淵鄧壽蜀漢文陳寵濟南椎成論者謂稜淵深有謀故得龍淵壽明達有文章故得漢文寵敦朴善不見外故得椎成東觀漢記云馮石為安帝

所寵帝嘗幸其府留飲十數日賜駸犀具劍紫文綬玉玦各一枚

增賣劍說韓信

投劍事陸機

山堂肆考曰張良事漢知韓信有將佐才假作道人賣劍時信在楚王麾下信見良

問曰此劍何名良曰一日將軍劍二曰諸侯劍三日天子劍君若用此必霸諸侯信留良宿與之叙事良因說信歸漢信從之又曰戴淵少好遊俠常在江湖劫掠時陸機赴洛輜重甚盛淵在岸上據胡牀指揮左右機於船上遙相謂曰君才如此亦作劫耶非獨汚名亦玷宗戚淵遂涕泣投劍改過修行機珍重之便與定交

原侯時去國惡無道於吳王入夜千星幸見知於

雷煥

劍四

增為隋侯劍立祀

漢書郊祀志曰神爵元年為隋侯劍立祀未央

授斬蛇劍

後漢書禮儀志曰皇太子即位中黃門掌兵以玉具隋侯珠斬蛇寶劍授

唯得使社公神搜

記曰會稽賀瑀字彥琚得疾不知人唯心下溫二日蘇云吏以將上天入曲房房中有層架其上層有印中層

有劔使瑀唯意所取而短不及上層取劔而出記山門吏曰恨不得印可策百神劔唯得使社公耳

川日月刀劔錄曰夏禹子帝啓以庚戌八年鑄一銅劔藏之秦望山上刻二十八宿面背有文面文為

星辰背記同寶鼎之在汾州豐城寶劔賦曰異金陵之浮王氣同寶鼎之在

汾州大梁氏之劔水經注曰梁國多池沼時沼中出神劔到今其民像而作之號大梁氏之

劔七星劔潛確類書曰唐太宗有古劔七星隱顯隨於北斗恒在燈下試之使人視雲氣過斗

劔上逐星漸隱頃刻不差疥癆賓唐書顧彥暉傳曰彥暉為東川節度嘗會諸將堂上以所佩劔

號疥癆賓使養子瑤佩之侍左右嘗語諸將曰與公等生死同之違者先齒疥癆賓拜三動王

潮傳曰衆推劉行全為將軍辭曰我不及潮請以為主
潮苦讓不克乃除地割劍祝曰拜而劍三動者我以為
主至審知劍躍於地衆以為
神皆拜之審知讓潮自為副
鱗缺星鐔酉陽雜俎曰

得有一劍鱗缺星鐔有時而吼常在莊居晴日藉膝翫之
忽有一人從庭樹窅然而下紫衣朱蚪髮露劍而立黑
氣周身狀如重霧鄭素有膽氣佯若不見其人因言我
上界人知公有異劍願借一觀鄭謂曰此凡鐵爾不堪
君玩上界豈藉此乎其人求之不已鄭伺便良
久疾起斫之不中忽墮黑氣著地數日方散

橫磨

大劍

五代史曰景延廣謂契丹使者曰先皇帝北朝所
立今天子中國自冊可以為孫而不可為臣且晉

有橫磨大劍十萬口翁要戰則
來佗日不禁孫子取笑天下

直須長槍大劍

又曰史弘

肇曰安朝廷定禍亂直須長槍
大劍若毛錐子則安所用哉

板橋王氏劍

又曰馮暉復鎮

靈武前王令溫鎮靈武失夷落心大為邊患暉即請曰
今朝廷多事必不能以兵援臣願得自募兵以為衛乃
募得兵千餘人行至梅戍蕃夷稍稍來謁暉顧首領一
人指其佩劍曰此板橋王氏劍耶吾聞王氏劍天下利
器也俯而取諸腰間若將玩之因擊
殺首領者其從騎十餘人皆殺之

六印加劍錦繡

谷曰宋凌策舉進士後知並州初策登第夢人以六印
加劍遺之其後官劍外者凡六人以為異策處事精審
所至有
治迹

夢威寧伯貽劍

明王弇州史料曰王守仁登
甲榜使治前威寧伯王越墓

守仁少則夢威寧伯貽之寶劍既葬而其子出威
寧伯所佩劍為謝則宛然如熟覲矣並沾沾自喜

陳

劍堂皇

又曰大司馬劉天和總制三邊萃羣帥而誓之
大出賜金為牛酒饗士陳二寶劍堂皇指左劍

曰有將不用命者狗此指右
劍曰有卒不用命者狗此

馬授墜劍

兵畧纂聞曰
倭賊入金山

衛南門時衛指揮同知侯端率衆前至東門門閉不得入趨南門亦不得入轉至西門吊橋斷端視其馬曰我命不絕汝當努力馬忽然一躍直過城濠倉卒間墜一劍於地馬銜起授端

劍五

增詩古詩陌上桑曰腰中鹿盧劍可直千萬餘 原魏文帝歌辭云越民鑄寶劍出匣吐寒芒服之御左右除凶致福祥 又歌辭云歐氏寶劍何為低昂白如積雪利若秋霜 魏曹植雜詩曰美玉生盤石寶劍出龍淵帝王臨朝服秉此威百蠻 晉傅玄歌辭曰寶劍神奇

鏤象龍螭文犀飾首錯以明珠光如電影氣燭紫微

宋鮑照詩曰雙劍將別離先在匣中鳴雌沈吳江裏雄
飛入楚城吳江深無底楚闕有崇扃一為天地別豈直
限幽明神物終不隔千祀儻還并 梁吳均詠寶劍詩

曰我有一寶劍出自昆吾谿照人如照水切玉如切泥
鐔邊霜凜凜匣上風淒淒寄語張公子何當來見攜

崔融詠劍詩曰寶劍出昆吾龜龍夾采珠五精初獻術
千戶竟論都匣氣衝牛斗山形轉鹿盧欲知天下貴持

此問風胡 唐李嶠寶劍篇曰吳山開越溪涸三金合
冶成寶鏐淬綠水鑒紅雲五彩燄起光氛氲背上銘為
萬年字胸前點作七星文龜甲參差白虹色鹿盧宛轉
黃金飾駭犀中斷寧方利駮馬羣駢未擬直風霜凜凜
匣上清精氣遙遙斗間明避災朝穿晉帝屋逃亂夜入
楚王城一朝運偶逢大仙虎吼龍鳴騰上天東皇提升
紫微座西王佩下赤城田承平久息干戈事僥倖得充
大武備除災避患宜君王益壽延齡後天地 郭元振

古劍歌曰君不見昆吾鐵冶飛炎煙紅光紫氣俱赫然
良工鍛煉經幾年鑄得寶劍名龍泉龍泉顏色如霜雪
良工咨嗟歎奇絕琉璃匣裏吐蓮花錯鏤金環映明月
正逢天下無風塵幸得周防君子身精光黯黯青蛇色
文章片片綠龜鱗非直結交遊俠子亦嘗親近英雄人
何言中路遭棄捐零落漂淪古獄邊雖復沈埋無所用
猶能夜夜氣衝天 增唐裴夷直觀淬龍泉劍詩曰蓮
花生寶鏹秋日厲霜鋒鍊質纔三尺吹毛過百重 李

賀春坊正字劔子歌曰先輩匣中三尺水曾入吳潭斬
龍子隙月斜明刮露寒練帶平鋪吹不起蛟胎皮老疾
藜刺礪鷄淬花白鷗尾直是荆軻一片心莫教照見春
坊字按絲團金懸麗數神光欲截藍田玉提出西方白
帝驚嗷嗷鬼母秋郊哭 杜甫觀公孫大娘弟子舞劔
器行曰燿如羿射九日落矯如羣帝驂龍翔來如雷霆
收震怒罷如江海凝清光 又詠蕃劔曰致此自僻遠
又非珠玉裝如何有奇怪每夜吐光芒虎氣必騰起龍

身寧久藏風塵苦未息持汝奉明王 李白獨漉篇曰

雄劍挂壁時時龍鳴不斷屏象羞澀苔生 又感遇詩

曰寶劍雙蛟龍雪花照芙蓉精光射天地電騰不可衝

白居易鷗九劍詩曰歐冶子死千年後精靈暗授張

鷗九鷗九鑄劍吳山中天與日時神借功金鐵騰光火

翻焰踊躍求為莫耶劍劍成未試十餘年有客持金買

一觀誰知閉匣長思用三尺青蛇不肯蟠客有心兮劍

無口客代劍言報鷗九君勿矜我玉可切君勿誇我鐘

可制不如持我決浮雲無令漫漫蔽白日為君使無私
之光及萬物蟄蟲昭蘇萌芽出 又詠李都尉古劍詩

曰古劍寒黯黯鑄來幾千秋白光納日月紫氣排斗牛
有客借一觀愛之不敢求湛然玉匣中秋水澄不流至
寶有本性精剛無與儔可使寸寸折不能繞指柔願快
直士心將斷佞臣頭不願報小怨夜半刺私仇勸君慎
所用無作神兵羞 又詠折劍頭曰一握青虬尾數寸
碧峰頭 韋應物古劍行曰千年土中兩刃鐵土蝕不

入金星滅沈沈青脊鱗甲滿蛟龍無足蛇尾斷忽欲動
時中有靈豪士得之敵國寶仇家舉意半夜鳴小兒女
子不敢近龍蛇變化此中隱夏雲奔走雷閃閃恐成霹
靂飛上天 韓愈利劍詩曰我心如冰劍如雪不能刺
讒夫使我心腐劍鋒折決雲中斷開青天噫劍與我俱
變化歸黃泉 孟郊詩曰太一裝以寶列仙篆其文
曹唐和周侍御買劍詩曰將軍溢價買吳鉤要與中原
靜寇讐試挂窗前驚電轉略拋牀下怕泉流青天露拔

雲霓泣黑地潛驚鬼魅愁見說夜深星斗畔等閒期尅
月支頭 宋歐陽修詠劍詩曰寶劍匣中藏暗室常夜

明欲知天將雨錚爾劍有聲神龍本一物氣類感則鳴
帝恐躍匣去有時暫開鎬煌煌七星大照耀三尺冰此
劍在人間百妖夜收形姦兇與佞媚膽破骨亦驚試以
向星月飛光射櫓藏之武庫中可息天下兵 蘇軾
詩曰雨餘江清風捲沙雷公躡雲捕黃虵虵生空中如
注矢雷公煜煜燒虵尾或投以塊鏗有聲雷飛上天虵

入水水上青山如削鐵神物欲出山自裂細看兩脇生
碧花猶是江西老蛟血蘇子得之何所為蒯綬彈鋏詠
新詩君不見凌煙功臣長九尺腰間玉具高拄頤明
潘仲文賦得雙佩劍送方生趨幕府詩曰延津雙玉虹
神物合雌雄易用千金購難為一割功塵埋餘斗氣歲
遠結陰風感激封侯去龍鳴出匣中張元凱匣劍詩
曰生長夫差國家住專諸里鍛鍊昆吾成一匣明秋水
秋水泠泠聲繞扉淒清中夜蛟龍歸空廬獨抱朗月卧

高天颯動霜華飛提攜神物無人覺何來白虹長在握
鋒芒衛霍耀天山精靈荊聶傾河嶽結客紛紛向五陵
呼盧博采且浮沉寧輸百萬留三尺懸在腰間酬寸心
鷗鵲新淬光如雪照見人間不平事玉玦金環日月間
匣中一劍明珠淚嚴城吹角秋夜清風淒月肅鄰雞鳴
擘衣起舞欲拔劍無乃歲久青苔生莫邪空老無人齒
世人共寶鉛刀耳幕南塞北行路難酬恩報怨竟誰是
淪落沈埋一蒯緱恥將彈鋏動諸侯豐城不掩干霄氣

越石何嗟繞指柔 俞仲蔚寶劍篇曰吾聞龍泉太阿

之寶劍此物往往鍾神英人間得名千萬載國內惟有
徵求兵昆吾之穎茨山精銀花繡出霜雪明星氣朝朝
鷗鵜紫龍光夜夜芙蓉生文章已足清朝貴勲業還為
猛將驚七雄五列雖已矣報讐報恩心未已非但飄淪
古獄邊亦會提攜楚城裏崢嶸磊落世兩見斷蛟刺犀
竊所恥天下嘗令萬事平匣中不惜千年死朝馳咸陽
莫雲中此間未必皆成功但看古來功名士殺身濺血

俱英雄嗟哉神物會遇亦有以至今升騰變化為飛龍
薛蕙寶劍篇曰昔聞歐冶鑄寶劍冶中蛟龍歛揮霍
冶開火歇蛟龍失黯黯青雲吐芒鏑赤山丹液色鬱勃
白帝金精氣縈薄翠珉磨出冰洞明寶鞘裝成金錯落
鷗鵲膏瑩科斗字鹿盧玉映芙蓉萼坐上傳看疾風起
尊前拔舞驚虹躍蚩尤蒼黃化日隕天吳辟易隨潮却
果然魑魅忌精爽坐令神物藏冥漠由來世事不可測
須臾淪落豐城側玉珥彫零苔蘚昏雪花蠹蝕塵沙黑

當年得意斷犀象今朝失路埋荆棘地底龍眠鬼猶泣

斗間氣騰人未識泥塗污辱君勿悲風雲變化時將逼

掘獄重開雙寶刀入市爭酬萬金直自古英雄每如此

平生蹉跎長歎息哀歌謾作行路難高飛自有橫天翼

李東陽挂劍曲曰長劍許烈士寸心報知己死者豈

必知我心元不死平生讓國心耿耿方在此 沈貞吉

詠劍曰三尺精靈夜吐輝曾聞天上化龍飛千金空落

英雄手不斷人間是與非 蘇伯衡玄潭古劍歌曰扁

舟昔向玄潭過聞有古劍留巖阿欲觀躊躇復不敢只
恐開匣踴躍翻滄波此時解后都城裏玉質珠輝那得
比玄靈外護朱草莖赤日天中湧湖水想當旌陽初鑄
成橐籥元氣驅六丁星象矢光彩白藏儲精靈不然長
纔尺又半如何照室影凌亂神光免脫飛雪霜寶氣龍
騰貫霄漢自從斬蛟江水中濁世餘子誰能庸長伴空
山棲遁者但見白晝風雲從邇來閱歲未五十兩度江
湖寄蹤跡瑤臺月夜聽吹笙金界晴空逐飛錫昔至燕

京時太平今留石城氛祲清乃知神物等鎮圭冥漠自
有神提攜由來治忽係出處非是漂泊東復西聖明御
九有妖孽俱授首既非假道斬大蛇何用軍中撞玉斗
明朝且賦歸去來彭蠡扁舟落吾手申之以歌曰我知
爾兮為赤虬上帝有命兮下土留為民捍患兮萬歲千
秋彭蠡之興兮蜿蜒所鳩爾之歸兮徑中流慎勿奮飛
兮從爾儔使我思爾兮離憂舞蛟鰲兮與鱸鯪 孫伯
融寶劒歌曰寶劒光耿耿佩之可以當一龍只是陰山

太古雪為誰結此青芙蓉明珠為寶錦為帶三尺枯蛟
出水海自從虎草裹干戈飛入芒碭育光彩青田劉郎
漢諸孫傳家惟有此物存匣中千年睡不醒白帝血染
桃花痕山童神全眼如日時見蜿蜒走虛室我逢龍精
不敢彈正氣直貫青天寒還君持之獻明主若歲大旱
為霖雨 王元章劒歌行曰先輩匣中三尺水斬蛟曾
入吳潭裏提歸未肯策奇勲軒冕泥塗真戲耳雞林削
鐵不足比昆吾百鍊安能齒淬花不瑩鶚鵠膏掉箭却

敲鸞鳳隨憶昔破敵如破竹帶霜飛渡桑乾曲於今繡

澀混鉛刀不遇何異荆山玉驚雷夜作青龍哭血痕冷

剝苔花綠野人一見駭心目到手撫摩看不足雪花皎

皎明闌干毛髮凜凜肝膽寒老軍弊將長慨歎願欲置

諸武庫間書生無用且挂壁引杯時接殷勤歡天眼太

高俗眼頑銳鏑宜許兒曹看先生有志不在此出處每

談徐孺子清高厭覓萬戶侯笑引江山歸畫史我來四

十鬢已斑學劍學書俱廢弛五更聞雞狂欲起何事英

雄心未已

原銘漢李尤寶劍銘曰五材並用誰能去兵龍淵躍奇

太阿飛名陸斲犀兕水截鯢鯨縉紳咸服翼宣儀刑豈

徒振武義合金聲後漢崔駰刀劍銘曰歐冶運巧鑄

鋒成鏐麟角鳳體玉飾金錯又刀劍銘曰龍淵太阿

干將莫邪帶以自禦晷晷吐花士孫瑞劍銘曰天生

五材金德惟剛從革作辛含景吐商辨物利用勲伐彌

彰暨彼良工歐冶干將爰造寶劍巨闕墨陽精通皓靈

獲茲休祥剖山竭川虹蜺消亡曜威耀武震動遐荒楚

以定霸越以取彊 晉傅玄劔銘序云道德不修雖有

千金之劔何所用之先王觀變而服劔所以立武象也

太上有象而已其次則親用之銘曰光文耀武以衛乃

國 裴景聲文身劔銘曰器以利顯實以名舉長劔耿

介體文經武陸斷玄犀水截輕羽九功斯象七德是輔

張協泰阿劔銘曰泰阿之劔世載其美淬以清波礪

以越砥如玉斯曜若景在水不運自肅率土從軌 增

孔帖潘存實藏劍銘曰龍入泉星上天雄雄神器蓄在
人間於戲動不仁靜不德雖百煉之鋼於愛身也奚力
增贊唐李德裕贊曰公之智決利若青萍

增七晉張協七命曰楚之陽劍歐冶所營耶谿之鋌赤
山之精銷踰羊頭鑠越鍛成乃鍊乃鑠萬辟千漉豐隆
奮椎飛康扇炭神器化成陽文陰漫流綺星連浮綵豔
發光如散電質如耀雪霜鏐水凝冰刃露潔形冠豪曹
名珍巨闕指鄭則三軍白首麾晉則千里流血豈徒水

截蛟鴻陸灑奔駟斷浮翮以為工絕重甲而稱利云爾
而已哉若其靈寶則舒辟無方奇鋒異模形震薛燭光
駭風胡價兼三鄉聲貴兩都或馳名傾秦或夜飛去吳
是以功冠萬載威曜無窮揮之者無前擁之者身雄可
以從服九國橫制八戎爪牙景附函夏成風此蓋希世
之神兵也

增賤魏陳琳賤曰君侯體高世之材秉青萍干將之器
剗鐘無聲應機立斷

原啓梁簡文帝謝敕賚方諸劍等啓曰纔發紫

一作玉函

彫奇滋目始開泥

一作牙

檢麗飾交陳已匹丹霞之暉乍

比青雲之制身文自貴器用惟宜寒暑兼華左右相照
沈約為東宮謝敕賜孟嘗君劍啓曰田文重氣狗名
四豪莫及寶劍雄身故能威陵秦楚人高事遠遺物足
奇謹加玩服以深存古之懷

七首一

原鹽鐵論曰七首短劍也長一尺八寸 通俗文曰七

首劒屬其頭類七故曰七首短而使用 諸葛故事曰
成都作七首五百枚以給騎士 典論曰昔周魯寶雍
狐之戟屈盧之矛孤父之戈徐氏七首凡斯皆上世名
器君子雖有文事必有武備矣 又曰魏太子造百辟
七首三其一理似堅冰名曰清剛其二曜似朝日名曰
揚文其三狀似龍文名曰龍鱗 增鹽鐵論曰荆軻懷
數年之謀而事不就者三尺七首不足恃也

七首二

原說苑曰秦王以五十里封鄢陵之君辭不受使唐且
謝秦秦王怒曰嘗見天子之怒乎一怒伏尸百萬流血
千里唐且曰大王嘗聞布衣韋帶之士怒乎一怒伏尸
二人流血五步即按其匕首起曰今將是矣王變色曰
先生就坐寡人喻矣秦破韓滅魏鄢陵獨以五十里存
者徒用先生故也 神仙傳曰有書生姓張就李仲文
學隱術久無所得患之張懷匕首斫之仲文笑曰我寧
可殺 增魏志典韋傳曰韋有志節任俠襄邑劉氏與

睢陽李永為讎韋為報之永故富春長備衛甚謹韋乘車載雞酒偽為候者門開懷匕首入殺永並殺其妻徐出取車上刀戟步出永居近市一市盡駭追者數百莫敢近談數曰烏珠見一卒妻美殺其夫而納之寵嬖殊甚烏珠有所佩匕首極利寢則枕之他日方寢此婦取匕首將殺之烏珠覺驚問婦曰將殺汝烏珠曰何故曰我夫為汝殺吾欲報仇烏珠默然久之曰吾不忍殺汝當為汝別求夫乃盡集諸將使自擇婦指一人即以嫁之丘宗

卿同客談此曰此其所以為烏珠也 弇州史料曰張
大司馬佳脣為滑令一日晏坐有弁而急裝者一髯輔
之至邑門門者戟之叱曰我官校也遂入公下與語徑
前曰縣官欲捕若邑耿氏豪亦與若有連胥吏以下皆
辟易遂挾公入別室出匕首交置於項乃知為劫賊

匕首三

原曹沫投 專諸進

曹沫為魯莊公將與齊戰三敗莊公懼獻遂邑之地莊公與齊桓盟

於柯曹沫執匕首劫齊桓左右莫敢動問曰子將何欲
沫曰齊強魯弱而大國侵魯亦已甚矣今魯城壞即壓

齊境君其國之桓公乃許還魯之侵地既而曹沫投匕首北而就羣臣之位顏色不變桓公怒欲背其約管仲

曰不可吳公子光將令專諸殺吳王僚四月丙子光

伏甲士於窟室乃請王僚酒酣公子光佯為足疾入窟

使專諸置匕首於魚腹中而進王既至前專諸擘魚因

以匕首刺王僚立死左右亦殺專諸閭廬立乃封專諸

子為上卿楊懷佩鄧遵得零陵先賢傳云劉璋請劉備

宴請璋及子禕懷從之酒酣備先懷佩匕首乃出其匕

首謂曰將軍匕首好孤亦有可得觀乎懷遂與之備得

匕首謂懷曰汝小子何敢問吾兄弟之好耶懷罵言未

訖備斬之東觀漢記云鄧遵破匈奴得匕首三千枚

增趙匕首燕匕首李白詩曰袖中趙匕首買自徐

夫人玉匣閉霜雪經燕復歷秦

又曰笑聞燕匕

首拂拭竟無言

原虞帝匕首高宗匕首漢書王莽傳云

莽避火宣室前殿火輒隨之莽紆衲服帶璽韎持虞帝
匕首天文郎按拭於前日時加其莽旋席隨斗柄而坐

拾遺記云漢太

藥燂以試

圖窮而見

史記曰燕

上皇得高宗匕首

荆軻刺秦王豫求天下之利匕首得趙人徐夫人匕首
取之百金使工以藥燂之以試人血濡縷人無不立死

者乃裝為遺荆卿荆軻

提入彊秦

摘中銅柱

荆軻

獻燕地圖圖窮而匕首見

云提一匕首人不測彊秦

荆軻

增兩刃匕首

百

引匕首以擣秦王不中中銅柱

金匕首

後魏叔孫俊傳曰太宗初命俊與唐渾等拾遺
左右朱提王悅懷刃入禁中欲為大逆俊覺悅

舉動有異便引手掣之乃於悅懷中得
兩刃匕首遂殺之下見藥燂以試注

匕首四

增水斷虬龍陸斬虎兕

拾遺記曰漢太上皇徵時佩一刀長三尺上有銘字雖難識疑

是殷高宗伐鬼方時所作也上皇遊豐沛山中寓居窮谷裏有人歌冶鑄上皇急其傍問曰此鑄何器工笑答曰為天子鑄劍惟勿泄言上皇謂為戲辭而無疑色工人曰今所鑄鐵剛強難成若得翁腰間佩刀雜而冶之即成神器可以尅定天下昂星為輔佐以鐵三猾木哀火盛此為異兆也上皇曰余此物名為匕首其利難傷水斷虬龍陸斬虎兕魑魍魎莫能逢之切玉鋸金其刃不卷工人曰若不得此匕首以和鑄雖歐冶專精越砥斂鏑終為鄙器上皇則解匕首投於鑪中俄而煙燄衝天日為之晝晦及乎劍成殺三牲以饗祭之鑄工問上皇何時得此匕首上皇曰秦昭襄王時余行逢一野人於陌上授余云是殷時靈物世世相傳上有古字記其年月及成劍工人即持劍授上皇上皇賜高祖高祖常佩於身以鐵三猾天下已定呂后藏於寶庫庫中守

藏者見白氣如雲出於戶外狀如龍蛇呂后改庫名曰靈金藏及諸呂擅權白氣亦滅惠帝即位以此庫貯禁兵器名曰靈金內府

北帝所佩

通鑑唐紀曰高駢好神仙信任

城監勝至監數月函一銅匕首以獻用之見稽首曰此北帝所佩得之則百里之內五兵不能犯駢乃飾以珠

玉常置

不刺頭

星槎勝覽曰瓜哇國人生子一歲便

坐隅

牙雕琢為靶凡男子老幼貧富皆佩於腰間若有爭鬪即拔刀相刺殺殺人逃三日而出即無事矣

羊

角匕首

說淵犇隱娘傳曰隱娘自言被一尼挈去教之劍術授以羊角匕首刃廣三寸遂白日刺人於

都市中人莫能見以首入囊返命則以藥化之為水

匕首五

增詩唐李白俠客行曰少年學劍術七首插吳鴻由來
萬夫勇挾此生雄風 明王原吉小七首歌曰水晶生

苗月芽直聳芒披雲電流隙蟄蛇斷尾短草間海鷗褪
翎霜雪色宋斤魯削讓隋刻金錯錐刀豈其敵吳鴻扈
稽飛著體不曾為主開邊鄙嗟茲神物久泥滓用之可
以報國士簷冰卓筋日黯空稍玩股掌生雄風鮫魚室
臥縞帶影長鉞辟易萬雉墉古昔客堪秦王胸幾仆翠
鳳咸陽宮內來意氣泰山重命甘燎毛不旋踵誰隳古

制鑄小之佩稱衣冠加玼琫我歌三歎淚滿裾曹鮪豫
聶無時無

原銘晉張載匕首銘曰先民造制戒豫惟謹匕首之設
應速用近既不忽備亦無輕忿利以形彰功以道隱

鉞一

原莊子曰天子之劍韓魏為鉞諸侯之劍豪傑士為鉞

詳劍

鉞二

原戰國策曰馮謹為孟嘗客彈劍缺而歌曰長缺歸來
兮食無魚

缺三

增齒缺

鱗缺 左思吳都賦曰毛羣以齒角為
予缺 下詳劍四鄭雲達事

缺四

增詩魏曹植詩曰長缺鳴鞘弓

原銘晉張協長缺銘曰五才並建金作明威長缺陸離
弭凶防違素刃霜厲溢景橫飛 又短缺銘曰器用多

品詭制殊觀亦有短缺清暉載爛昔在先朝戢兵靜亂
惟皇寶之優而弗玩

斧鉞一

增釋名曰鉞豁也所用莫敢當前豁然破散也 字林

曰鉞王斧也 書顧命曰一人冕執劉立於東堂一人

冕執鉞立於西堂 詩曰武王載旆有虔秉鉞如火烈

烈則莫我敢遏 禮記曰天子賜諸侯樂則以祝將之

賜伯子男樂則以鼗將之諸侯賜弓矢然後征賜鈇鉞

然後殺賜圭瓚然後為鬯 太公六韜曰將既受命乃

命太史卜齋三日之太廟鑽靈龜卜吉日以授斧鉞君
入廟門西面而立將入廟門北面而立君親操鉞持首
授將其柄曰從此上至天者將軍制之復操斧持柄授
將其刃曰從此下至淵者將軍制之 尉繚子將令曰
將軍受命君必先謀於廟行令於廷君身以斧鉞授將
曰左右中軍皆有分職若踰分而上請者死軍無二令
二令者誅留令者誅失令者誅 漢書刑法志曰大刑

用甲兵其次用斧鉞 晉書天文志曰天槍三星在北
斗杓東一曰天鉞曰天之武備也 又曰參十星一曰

參伐一曰大辰一曰天市一曰鉞鉞主斬刈 摯虞新

禮議曰漢魏故事遣將出征符節郎授鉞於朝堂新禮
遣將御臨軒尚書授節鉞古兵書跪而推轂之義也

潛確類書曰黃帝作斧鉞 又曰戚揚二者斧鉞之別

名戚為斧揚為鉞斧小於鉞鉞大於斧 又曰有玉斧

資斧方斧月斧 海錄碎事曰蕭斧越斧也 太玄經

曰上九斧刃蛾蛾利匠人之貞測曰蛾蛾之斧利征亂也崔豹古今注曰金斧黃鉞也鐵斧玄鉞也三代通用之以斷斬今以金斧黃鉞為乘輿之飾大將軍出征得加黃鉞者以銅為之黃金塗刃及柄不得純金也

斧鉞二

增左傳曰襄公三年晉侯之弟揚干亂行於曲梁魏絳戮其僕晉侯怒魏絳至授僕人書將伏劒士魴張老止之公讀其書曰君師不武執事不敬罪莫大焉臣懼其

死以及揚干無所逃罪不能致訓至於用鉞臣之罪重
敢有不從以怒君心請歸死於司寇 又曰昭公四年

楚子將戮慶封椒舉曰臣聞無瑕者可以戮人慶封唯

逆命是以此其肯從於戮乎播於諸侯焉用之王弗

聽負之斧鉞以徇於諸侯 史記殷本紀曰湯自挹鉞

以伐昆吾遂伐桀 史記魯周公世家曰周公把大鉞

召公把小鉞以夾武王釁社 司馬法曰夏執玄戊殷

執白戊周左杖黃戊右秉白旄

說文云戊俗作鉞非是

後漢橋

玄傳曰四府舉為度遼將軍假黃鉞 吳志陸遜傳曰
曹休舉衆入皖乃召遜假黃鉞為大都督逆休 玉海
曰蜀建興三年諸葛亮南征賜金斧鉞一具 又曰魏
辛毗杖黃鉞當軍門立 又曰晉安平王孚王導為大
司馬皆假黃鉞 又曰謝安太保進加黃鉞 五代史
曰王凝妻李氏凝卒李氏攜其子負遺骸以歸東過開
封止旅舍主人見其婦人獨攜一子而疑之不許其宿
李氏顧天已暮不肯去主人牽其臂而出之李氏仰天

長慟曰我為婦人不能守節而此手為人執耶不可以
一手並汙吾身即引斧自斷其臂路人見者環聚而嗟
之或為之彈指或為之泣下

斧鉞三

原飾怒

耀威

禮記曰軍旅鉞鉞先王所以飾怒也
曹植王仲宣諫曰我公奮鉞耀威南楚

荆人式違
陳戈講武

專征

行罰

史記云紂囚西伯於羑里西
伯之臣閔天之徒求美女奇

物善馬以獻紂紂乃赦西伯西伯出而獻洛西之地以
請除炮烙之刑紂乃許之賜弓矢斧鉞得專征伐楚
辭云后辛之菹醢兮殷宗用之不長王逸注云言紂為
無道殺比干醢梅伯武王杖黃鉞行天罰殷宗遂絕不

得長

增狂章

劈正

太公兵法曰斧神名狂章
耕錄曰劈正斧以水蒼玉碾造

高二尺有奇廣半之徧地文藻粲然自殷時流傳大
朝會則一人持之立於陛下所以正人不正之意

原建齊斧

樹齊斧

馬融東巡頌云飛絳旗之彪虎載
日月而招搖建匏瓜之齊斧揮工

倕之靈鞞

成公綏云玄冬暮歲三時既終南軫晨曜

東壁夕中嚴霜肅然寒氣始隆於是建吳戈樹齊斧鳴

金鼓陳虎旅將校獵以

仗黃鉞

建玄鉞

尚書牧誓

展威順天時而講武

仗黃鉞右秉白旄以麾孔安國傳云鉞以黃金飾斧左

手仗鉞示無事於誅右手把旄示有事於教崔豹古

今注云玄鉞諸公主得建之武王以黃鉞斬紂故王

者以為戒太公以玄鉞斬妲己故婦人以為戒也

增大車斧

大柯斧

晉起居注曰成帝咸和元年四月
乙丑詔曰作瑯琊王大車斧六十

枚侍臣劍八枚將軍手戟四枚
韜曰大柯斧刃廣八寸重八斤一名天鉞

黃金飾

蒼玉造

上見仗黃鉞注
下見劈正注

先凱樂

齊軍旅

周禮夏官大司馬若

師有功則左執律右秉鉞以先凱樂獻於社
陳琳檄吳將校部曲曰要領不足以之膏齊斧注云斧所以整
齊軍旅也
蚩尤秉鉞方相秉鉞
張平子西京賦曰於是

禦不若以知神姦
又東京賦曰方相秉鉞巫覡操茷

繫表於斧

鐫名於斧

通鑑唐紀曰初殿中侍御史楊汪既殺張審素更名萬頃
審素二子璵璠皆幼坐流嶺表尋逃歸謀伺便復讐
三月丁卯手殺萬頃於都城繫表於斧言父冤狀欲之
江外殺與萬頃同謀陷其父者至汜水為有司所得
弇州史料曰孝子王世民其父為族兄毆死世民尚稚
既長每歲旦即謁家祠之父主前而以兩筵簋卜之不

吉則掩泣而退至辛巳卜得吉乃走治工所鑄一利刃
已厭其薄不任棄之復為剛斧鐻姓名於背而匣焉日
伺族子
所之

斧鉞四

增繡衣持斧

漢書雋不疑傳曰武帝時盜賊起暴勝之為直指使者衣繡衣持斧逐捕盜賊威振

州郡 伐朝菌

說苑善說篇曰摩蕭斧而伐朝菌

祭戟即為斧鉞

後漢書郭

躬傳曰竇固出擊匈奴騎都尉秦彭為傅彭在別屯而輒以法斬人固奏彭專擅請誅之顯宗乃引公卿朝臣平其罪科躬以明法律召入議議者皆然固奏躬獨曰於法彭得斬之帝曰軍征校尉一統於督彭既無斧鉞可得專殺人乎躬對曰一統於督者謂在部曲也今彭專軍別將有異於此兵事呼吸不容先關督帥且漢制

祭戟即為斧鉞於法不合罪帝從躬議

儀鎗

唐書儀衛志黃麾仗第二行儀鎗五色幡宋朝志儀

鎗鉞屬秦漢有之唐用為儀仗刻木如斧柄以黃上綴小錦幡五色帶

畫大渡河

宋太祖建

隆四年王全斌既平蜀欲因兵威取滇以圖進於上太祖鑒唐之禍基於南詔以玉斧畫大渡河曰此外非吾有

寧言而死於斧鉞

宋張浚母計氏誦其父咸紹聖初制策曰臣寧言而死於斧鉞

不忍不言

仗兩鉞

弇州史料曰宣平王朱永興王越厚相結而出入中貴人汪直門兵

部尚書陳鉞既以建州之役中直心直亦怙之有闖而優者阿丑嘗於上曲宴為中貴武狀者挾雙斧踉蹌而前人問之曰我汪太監也已左右顧其手曰我惟仗此兩鉞耳

斧鉞五

增賦晉張平子東京賦曰我世祖忿之乃龍飛白水鳳
翔參墟授鉞四七共工是除四七二十八將也又曰戴金鉉
而建黃鉞


增制唐天寶制曰黃鉞古來以金為飾金者應五行之
數有肅殺之威去金稱黃理或未當其鉞宜改為金鉞
副鉞威武之義焉

增文漢終軍上對曰大將軍秉鉞單于犇幕票騎抗旌
昆邪右衽是澤南洽而威北暢也魏陳琳檄吳將校

部曲文曰丞相秉鉞鷹揚順風烈火元戎啓行未鼓而破又曰仗鉞嬰鉞首腰分離

增論鹽鐵論繇役曰屠者解分中理可橫以手而離也
抽筋鑿骨非行金斧不能決聖主循性而化有不
亦將舉兵而征之晉范蔚宗宦者傳論曰續以
五侯合謀梁冀受鉞迹因公正恩固主心故中外服從
上下屏氣

御定淵鑑類函卷二百二十三



總校官庶吉士臣張能照

校對官編修臣朱攸

謄錄監生臣魏綿曾